

乾

隆

鄞

縣

志

鄆縣志卷二十四

古蹟

周官訓方氏掌誦四方之傳道鄭氏注傳道世世所傳說往古之事也一縣之中古蹟非復一端城垣公廨攷沿革者取徵園館池亭懷先達者過訪雖世代綿遠遺跡失傳探奇嗜古之彥於此有餘思焉若堊子國之無稽皇親宮之傳會皆置而不取

漢

鄆城

漢縣廢城在今鄆縣南

太平寰宇記

白杜里有鄆城山

乾道
圖經

鄧城 在鄧縣東三十里卽官奴城也乾道圖經先時山麓與

海相際百貨來此貿易以故谷口舊名後塘街有鄧縣城

遺址

名勝志

官奴城 漢光武爲賊所敗有奴在田中耕因藏之獲免

後定天下議賞光武問欲何官奴云欲得鄧縣令後或號

鄧縣爲官奴縣

太平寰宇記

宋武帝微時避吏於此與人奴善

奴名桂藏匿旣久爲吏所逼逐適值桂在田以土覆之得

免後立官奴城以報之掘土築城之地名官奴池

十道四蕃志

按太平寰宇記以爲光武於史無所據惟宋書孫恩破上

虞時劉裕嘗戍句章疑其爲宋武也

乾道圖經

羅城 舊云閩越無諸所築夏侯曾先謂劉牢之築以塞

三江之口今西城外有城基上生竹篠俗曰篠牆卽故基也晉末孫恩犯會稽由上虞以入不由明州者亦以此城據三江之險云

乾道圖經

黃公林 在縣西南二十五里四皓黃公隱處卽古之大里也俗譌爲黃姑林

閩志

梅子真隱居 在大梅山有石洞仙井藥竈丹爐在焉

四明

山志

董孝子故宅 縣西南百餘步其宅今爲純德廟舊志謂

卽其故居立廟則黯本鄧人也鄧故鄞地虞翻以爲句章人據其徙居慈谿言之至國子祭酒陳敬宗記廟之文始

表黯爲鄧人云

嘉靖志

晉

句章城 在鄞縣南六十里

乾道圖經

漢句章城在今慈谿縣

界晉隆安四年孫恩作亂劉牢之討之改築城於小溪鎮

卽此城也自劉宋及隋唐句章縣皆治此

方輿紀要

育王寺古松

高僅丈餘虬枝偃地旁蔭數畝李泰伯詩

所謂晉年松也昔有貴人入寺戲問舍利何在僧笑翁指

松曰此處卽有已而松枝皆放光故又稱爲放光松云育王

寺志

唐

賀秘監故宅

今鄞縣句章鄉小溪之馬湖有洗馬池世

傳以爲賀監故宅相距三里名賀家灣其地賀姓甚多嘗

掘土得碑石其可識者有會稽郡賀府君六字耆老謂賀

監始居於此後徙剡川

延祐志

君子營 路振九國志吳越書云唐末明州刺史黃晟興

學好士江東儒學之士多依之辟前進士陳冕年等嘉其清介加以優待爲築居於城東隅謂之措大營卽今君子

營

黃氏家乘

黃刺史宅 縣東南二十五里鄞塘鄉刺史黃晟家於茲

及卒民祠之至今其地有伏飛廟

嘉靖志

蛟池 在城北故老云嘗有蛟自江來窟於此人患之故

其傍立伏飛廟以鎮之池今爲居民所侵堙塞無幾矣

乾道

經圖

蜃池

縣西北一里久湮塞

志成

或云蛟池卽蜃池

嘉靖志

太白獅子栢

在天童寺佛殿下根榦盤拏枝葉猗猗風

來振吼宛肖獅子蓋唐時徙寺在太白峯下所種

聞志

宋

子城 周迴四百二十丈環以水麗譙揭奉國軍之額太

守潘良貴書奉國軍樓中有刻漏慶歷間太守王周重修

是時王安石爲鄞宰嘗銘之其後歲久差舛不可信紹興

三十一年太守韓仲通訪得吳人祝岷考古制冶銅爲蓮

漏有記刻於石簽判許克昌文也

乾道圖經

王安石刻漏銘戊子王公始治於明丁亥孟冬刻漏具成追謂屬人嗟汝予銘自古在昔挈壺有職匪器則弊人亡政息其政謂何弗棘弗遲君子小人興息惟時東方未明自公召之彼寧不勤得罪於時歟荒僻廢乃政

之疵鳴呼有州謹哉惟
茲茲惟其中俾我後思

海曙樓 卽子城樓亦名譙樓扁曰明遠嘉靖志明永樂中

郡守王公重建萬歷十四年燬四十五年復建董大晟爲
之賦

國朝乾隆四十七年樓復燬諸石刻多泐仆惟賦碑尙全

采訪
冊

董大晟海曙樓賦偉麗譙之傑構出雲端而崔嵬倚素
臺而上干劃牛女而崇開最風耐以負基六丁輪而啟
辟天窗以含靈跨虹蜺以飛梁揭日月之朗澄聳中天
而浮積翠揅戊己而控鴻溟氣通崑崙嵒堆壓溟渤名區
乃表海外有截砥礪以參差隨雲滛裔承霞映依山峩
嶮以高軼版瓦鱗鱗以卓錫而掉尾嘲風注啄以張頤白
鳥企似疑似飛出吻卓錫而掉尾嘲風注啄以張頤白
虎攫擎蒼龍躩踞朱嗉持衡騰蛇繞樓爰居止而避風
威鳳覽而來儀鸞鳴追達猿猱蹲夷欲攀飛而不得徒
古蹟

璿盼以唯盱於是乎繚垣延互疏杼嶢青赤甃石
聖崇容却大秦之瑠璃鄮老壽之黃銅步櫚周游南榮
軒張貌山川之形勝揭海曙於榻案方其省嚴魚鑰低
垂玉繩風傳鈴鐸寂不聞人聲銀河影浸璇斗杓橫望
舒綽而御聘虛灝碧而輪停恍月姊飄飄而來下惚天
孫綽約而七襄仙人步虛以遙集引玉節而建雲幢萬
籟宵其間寂放悲玉璫之琅琅爾其扶桑鳳叫天雞迭
鳴義和揚鞭鬱華東升天下盡白六合清中則大湖
濱濱九陌縱橫烟火十萬之家金湯百雉之城則有屏
宇麟次郵傳星馳教層山積帑藏泉資閭閻窮蔀狂狷
僕區局覽弱望料理時須乃有畫棟朱樓流塵紫陌冠
蓋聯翩輪軸執勞織亦有泌水衡門霧雨澤居然風縈
商歌自適又若雞園鹿苑塔影鐘聲神區福地玉虛紫
清須宮崇敞文教特明外則籬落烟霏雞犬雲跡桑柘
影深稻粱美溢枕大江之洪濤吞溟漲於無倪起烟嵐
於石樓玉几漏登霽於桃渡梅墟左溟渤太白之巖巢右
挹錫山之屹嶂南倚金峩之屏障北負瀚海之滄溟連
蜺乎浮蹤伏象翔躍乎馬跡金雞赤城霞起與四明而
鈎連南明日麗遙控接乎句餘近則江郭縈帶刺天帆
檣櫂室飛廬五兩颭翔戎幃魚網估橐商裝殊方蠻語
來會茲鄉遠則海濤音吼轟雷喧闐瀟灑無岸浴日漲
天水君魚伯天吳海童啖曜萬狀跳沫迎風猗猗罔象

天矯蚪龍蜃樓縹緲鮫室空洞蓬瀛島嶼瑤闕可通洛
迦金仙大蘆木公空王蓮界真氣鴻濛日舒長而晶耀
恍惚訝和神之國化人之宮神明郡公於是駕朱輻寓
遙囑遊寥朗觀晴旭滌虛襟於溟渺送青眼於陽谷於
耕耘隴畝子鮐婦織勸興民力殷阜樂生齒之蕃息將
復炊烟盡青懸磬罔赤悉爲樂土沾濡化澤村翁伏臘
兒童歡劇或時熙春臺而樂康衢張燈火於元夕女
雲駢塵生香陌笙歌鼎沸月流素魄城疑不夜樓觀增
色亦時隔三伏之炎歊表二儀之分割白雲盡而山青
綠樹陰而午寂乃有高韻士騷客賢豪澆胸中之磊
塊解世網之天放盪層雲於寥廓戴白日之孤高擘烟
雲之變幻壯滄海之波濤送飛鳥而寓目寫心愴於霜
毫維使君之風雅開勝槩於任翬蓋自我公之綰符而
來也揚聖天子威命政標師帥人稱父母鱣波弭跟蛟
涎息吼自東鯉以外黑齒雕題瀟面儋耳凡獻琛重譯
之國靡不震我皇威望公台斗故鞬輦被甲之夫艾旗
穀騎之卒耨而不刊虎門武掖建旗簡帥以申警備我
公於是收崇論竝議之士談詩書訓禮樂旌孝弟力田
之民訪古純德逸老之槩時恤乳獨清圖牆民萌綏輯
噢咻聲教攸在東沐咸池虔賓陽之義南瞰江湖奏解
慍之絃西盼桃源鼓華胥之風北瞻斗極懃魏闕之懸

然後與寮寮羣公啗醇風娛化國張華宴陳絲竹詠既
醉道百祿東海士毗奮袂而歌歌曰岑樓鬱崔嵬鴻濛
兮越有飛翼乃逾崇兮準旗熊軾登望仝兮我公併矇
功岱崧兮海波不揚厥鎮維兮東方杲杲朝敷融兮民
安耕鑿作息從兮公觀耿光聿朝宗兮巖廊植幹雲構
隆兮廣廈萬間庇無窮兮是時黃童白叟相與共睹厥
成祝天子萬年頌我公明德通閭閻贊紫極匪徒藻井
幹飾結綺吳歆越舞以適游眺守在四境若是故五華
百尺靡能加棲霞
瞰蜿未足侈也

慶元府治

卽唐明州治

延祐志

進思堂

在府治內紹興四年守郭仲荀建咸淳六年守

顏頤仲重建

延祐志

范成大進思堂夜坐懷故山詩塵事潮來不可推身如
病鶴強穩穩簿書遮斷尋詩路風雨驚殘問月杯想得
竹門無客到直須雪夜有船迴鱸
鄉望眼雙明處祗欠凌霄萬仞臺
吳潛滿江紅詞進思堂賞木樨丹桂重開向此際十分
香足最好處雲爲幕護雨爲骨沐樹杪層層如寶蓋枝

頭點點猶金粟算人間天上更無花風流獨玉壇畔仙
娥簇玉梁上仙翁揶揄嘆吾今老矣兩難追逐休把淹留
成感慨時閒賞玩時閒福怕
今宵芳景便凋零高燒燭

公生明額 在正堂之後宋守余天錫建未及名後守陳

塏摹司馬文正公所書公生明三字扁焉延祐志

平易堂 在進思堂後輿地紀勝

羔羊齋 淳熙間守范成大建延祐志

范成大題羔羊齋木芙蓉詩慵妝酣酒夕陽濃洗盡
霜痕看綺叢綠地園花紅錦障不知庭院有西風

仁齋 寶慶二年守胡榮建延祐志

錦堂 在舊府治廳後淳祐元年守余天錫新之延祐志

清暑堂 在府堂西偏淳熙初魏王建後圯於風守余天

錫新之扁仍舊延祐志

茶亭

在進思堂東紹定間守胡榘建

曹志

酒亭

在進思堂西亦胡榘建

曹志

友山亭

在府舊治紹興十一年守梁汝嘉建

延祐志

鎮海樓

在府堂之東偏寶祐三年守胡榘建

延祐志

吳潛登鎮海樓詩鄧山深處古明州新有江南客倚樓
風閣天連便望日蛟門海宴不驚秋頭顱已迫殘年景
身口聊為卒歲謀蕭颯西風
吹敗葉滿庭清淚自難收

鄧山堂

在鎮海樓之北政和六年守周邦彥建

延祐志

梁公泉

在鄧山堂前方池之外紹興十二年守梁汝嘉

建亭其上

延祐志

坐嘯齋

紹興間守韓仲通建在鄧山堂西其右為鈴齋

輿地紀勝

舒嘯亭

在鄧山堂前守梁汝嘉建

嘉靖志

桃源洞

紹興間守韓璉建在郡治後圃之北又有佳趣

亭集春亭容與亭悉繚以步廊雖雨雪不妨行樂

嘉靖志

郡

圃舊總名桃源洞求其義桃源鄞鄉名也鑿子城通隙地

故以洞名之耳今既合郡圃於堂後又不欲盡捐舊額遂

以新桃源榜之

開慶續志

吳潛賀新涼詞和翁處靜桃源洞韻拍手闌干外想回
頭人非物是不知何處萬事情知都是夢聊復推遷夢
裏也幻出雲山烟水白紅紅雖盡儘昌條浪蕪皆
春意時可醉醉扶起瀛洲舊說神仙地奈江南猿啼鶴
唳怨懷如此三五阿婆塗抹徧多少殘櫻剩李又過雨
亭臯初霽漸愧故人相問訊但一回一見蒼頭耳誰念
我鷓鴣

鷓鴣志

百花臺

紹興間守曹泳建在桃源洞之前後改爲安遠

驛成化志

梅莊 在桃源洞之西北嘉靖志 亭前舊有數梅吳潛增植

至百株因舊亭而加做焉開慶續志

可憇亭 在桃源洞西淳祐六年守顏頤仲建延祐志

更恭亭 嘉定十六年守章良朋建前有二檜取東坡詩

雙桐老更恭之義名之延祐志

傳觴亭 在更恭亭北嘉定七年攝守程覃建延祐志

嘉燕堂 在郡東園李閱九經堂記

九經堂 淳化元年詔頒國子監九經二年守陳充作堂

以藏之久而堂圯元祐三年守李閱重建別求九經藏之

胡幹化爲之賦延祐志

李閱九經堂記上卽位之明年九月閱自虞部郎中乞
守茲土乃得毫又明年十月自毫被命來領郡事一日
會賓客於東園嘉燕堂視其北有遺趾荒焉問諸老吏
云九經堂基也舊記在焉於是取諸頽垣積壤之間觀
之乃殿中丞陳侯充之文也陳侯當淳化二年爲州於
此方太宗皇帝以聖謀神斷承藝祖經綸之業以德以
功克集大統散戎馬於寬閑之野休生民於畊鑿之鄉
窮日月之際極舟車所到乾旋坤動霆擊電掃四海之
內稽首畢臣乃張治具爲治之本莫先於儒術宜公卿
大夫以及守令討論經傳講求先王所以化民成俗之
意庶幾太平之盛比隆於三代也由是詔以九經賜荆
楚湖湘江吳杭越閩中嶺外諸郡而明獲預焉陳侯戾
止見所賜書咨嗟拊蹈戴仰天子之休遂飾廣厦以藏
之名曰九經堂然明於是時更五代干戈之亂幸錢氏
保完而歸聖宋撫育涵養生齒滋駁而學者尙少歲磨
月勵爲士者日衆善人以不教子爲愧後生以無聞爲
恥故負笈而從師友執經而游學校者踵相接焉州舉
進士較藝次科者又相繼而輩出則賜經示教豈不衆
然明驗哉況自浙以東農商自足而訟少事簡明最爲
樂土者亦風化薰陶使然爾然余於此竊又有可歎者
葢事久則弊且壞者莫不爾自淳化二年迄於今幾百
年而九經堂旣散失無有明之衣冠亦不復有知者堂

亦廢而草木茂焉可以不修乎哉乃率人官之棄材鳩
無用之軍工鑿沼畚土增高舊址如臺而新之且購九
經實其間使士民復見太宗之遺訓與陳侯經始之迹
而時與士大夫遊焉若乃四時登覽之勝江山所得與
夫晨昏之間晦明之變景物錯出不可得而名狀者則
有諸君題詠焉
胡幹化九經堂賦於鎮設皇帝卽位之二年也景星明
慶雲翔日月耀虹蜺藏風威百蠻鏡照四方乃眷四明
侯於東南之陽負溟渤控扶桑倚巨鎮吞長江規圓杯
浮奠乎中央睿澤弗遐厚風未揚命李侯兮守是邦宣
化承流若時覆載民無札瘥物無疵癘甘雨飛兮綠野
祥雲擁兮紫塞簡書既靜圖圓既空我職既修我民既
同於是採三老之遺言升九經之故基覽遺迹之長存
悼前人之莫追謀乎卜筮考乎蓍龜測日月之瑞方究
星宿之躔維踐層巒以砥高浮疎川而相卑軌地軸以
盤根摩天倪而創規均四氣之和卜三農之隙不家至
而申令因子來而爲役搜抉乎蒼莽之野探窮乎茫洋
之澤剔土髮以爲材琢山骨以爲石運斤成風乃紀乃
經累以刻層承以平堂遂乃興翠幕張紅筵飛錦書聘
羣賢收浩景於雲間弄天風於日邊煙斜霧橫麾節行
焉電走雷旋軒車至焉和鸞雍雍衆賓集焉玉佩鏘鏘
太守掛焉蘭馨桂烈衆僚陳焉鳳嘯龍驚衆樂作焉有

秦國公子以辯爲喜瞻目而視捉襟而起揖晉都先生而語曰昔江南太守典洪都之新府修滕王之故事合樂大饗郡賢畢至使王勃賦之侈廣其意傳流潤色承以不墜亦可以贊刺史之遺德揚當世之盛美者矣今先生電掩長舌星垂方瞳筆動長鯨氣吐秋虹升高堂集羣公適清宴之未闌仰流景之方融亦可以踵前世之遺芳揚前人之素風乎先生悠然而笑曰然乎哉昔伏義氏之王天下也四海文明鑒乎太清地不愛其寶天不愛其靈使神龜出洛負書而行伏羲得之網羅造化包括堪輿融結山川吐納風霆制爲八卦分爲四營布六爻之縱橫規兩儀之降升文王由之而其道悉備仲尼翼之而斯文大成蓋取乎道之爲妙是謂乎易之爲經斷三皇始五帝上逮乎夏商之統下及乎秦周之系典謨貢範訓詁命誓陳禪遜之紀綱列君臣之分際軌五行之變化位九州之形勢足以扶天地之運開日月之蔽流睿澤於天下鞏皇圖於千世孔壁藏之而簡編弗墜伏生誦之而典章次第蓋取乎事之遺跡是謂乎書之爲制耄耆老黃童小夫賤工或去國之大夫或列位之三公覽時事之興廢觀盛德之形容情態交乎前美刺興乎中詠山川之高深記草木之纖穠測方軸以下申摩圓清而上通蓋取乎譎諫之義是謂乎古詩之風秉素王之符抗元聖之辯提褒貶之雄柄揭賞罰之

大本鬱者必發微者必闡亂者必削惡者必剪紀之以
 歲月分之以晦旦文之以禮樂飾之以誅勸扶日月而
 上出障江河而東轉蓋取乎紀事之實是謂乎春秋之
 典下採成周上追陶唐揚列聖之素風顯前人之遺芳
 其制禮也措三百以提經其辨義也周三千而布綱其
 設爵也建六官而等位其列土也而五侯而內王朝覲
 宗遇所以交諸侯而捐賓客冠婚祭祀所以會男女而
 寧死喪俎豆籩鼎所以辨彝儀而昭物軌犧牲粢盛所
 以享上帝而薦先王陶匏笙箏所以洽淳風而導和氣
 圭裳冕弁所以祀清廟而朝明堂此二禮之垂經所以
 器範而川防隨流揚波鈞元貫理喉襟大道之要羽翼
 仲尼之旨或先經而始事或後經而終義或依經而辯
 理或析經而合異微而顯兮如長雲窮星炳而不耀熾
 而晦兮如巨浸含山鬱然高時婉成章兮如同鮮盤鳳
 培風映流盡不污兮如廣漢清江觸山蹠地三傳之餘
 訓所以提領而振紀夫然揭大訓示不繇包裹太極幹
 旋二儀泰火熾烈兮斯文不磷江河可竭兮斯文不涸
 嵩嶽可磨兮斯文不磷江河可竭兮斯文不涸夫潛龍
 雖神無慶雲不能雄升海鵬雖大無扶搖不能高飛日
 月雖明無陰陽不能扶其運天地雖大無風霆不能示
 其威是必表大訓之宏規存素王之遺跡甲以齋戒擇
 以日月篆以丹青鏤以金石發天語飛宸章錫玉札示

四方付之有司而實茲堂焉豈無制而然哉宏規下蟠
法持載於坤也宏宇上庇均覆燾於乾也大楹古樾柱
石堯舜也山桑層巒鞏固義軒也離離羣桷矩義之方
也差差衆椽規智之圓也望之崇然形德之體也卽之
沉然蓄道之淵也聖以白盛質以示素也飾以丹漆潤
以容文也若回若翔樂之和易也如軒如翼禮之周旋
也通衢修塗做孔孟之步也重垣壯址闢楊墨之路也
誅茅伐棘夷老莊之蔓也除狸薰鼠去申韓之蠹也清
風掃門洗情田之氛也明月在牖開性天之悟也是故
由不正者不能得其門行不方者不能窺其牆道不深
者不能入其室志不高者不能升其堂不味於淡不能
探書林之寶不玩於元不能擷文園之芳秦國公子撫
席而稽首再拜曰不登高山不知天之爲蓋不臨深
溪不知地之爲載不聞先生之言不知九經之大

射亭

在九經堂後乾道元年守趙伯圭因舊新之

志

老香堂

吳潛建在府治後面北植桂百本取山頭老桂

吹古香之句以名前築一壇名月地可坐三十客堂扁潛

自題

開慶續志

胡潛朝中措詞老香堂和劉自昭韻衰翁老大脚猶輕
行到淨涼亭近日方憂多雨連朝且喜長晴謾尋歡笑
翠濤杯滿金縷歌清况有蘭朋竹友柳詞賀句爭鳴如
又小重山詞六月十四日老香堂前月臺翫月碧霄如
水月如鉦今宵知爲我特分明水臺玉界兩三星清露
下漸覺濕衣輕高樹點流螢秋聲還又勸客心驚吾家
水月寄昭亭歸去也天豈太無情

翁芳亭 在老香堂之左亭前植杏三面植月丹

開慶續志

蒼雲堂 在郡圃之北自老香堂爲步廊數十間周迴而

至前有古檜數本奇甚疊石佐之堂額張卽之書

開慶續志

吳潛滿江紅詞蒼雲堂後有桂樹爲冬青遮蔽低垂將
隕矣戊午八月呼梓人爲伐而去之賦斫却凡柯放巖
桂出些頭地從此去引風披露暢條昌藎待得清香千
萬斛且饒老子爲知己趁今宵新月駕空來浮觴裏劉
安笑淹畱耳吳猛約何時是想故山深處翠垂金縷須
信人生歸去好他鄉未必江山美問釵頭十二意如何
非吾事

生明軒

在蒼雲堂右面西下瞰方池極目無際

開慶續志

淨涼亭

在生明軒之右跨池面南為納涼佳趣

開慶續志

春華亭

在檜山之東環植以桃立鞦韆其外

開慶續志

秋思亭

在檜山之西橙菊芙蓉相為掩映與四明窗隔

池

開慶續志

四明窗

吳潛既濬舊池跨兩虹於上而闢虛堂於中戶

牖四達似四明石窗因題斯扁

開慶續志

吳潛滿江紅詞四明窗賦芳景無多又還是亂紅飛墜空悵望昭亭深處家山桃李柳眼花心都脫換蜂鬚蝶翅難沾綫謾相攜一笑競良辰香醪美金獸焚香風細金鳳拍歌雲賦儘秦簫燕管但逢場爾只恐思鄉情味惡怎禁寒食清明裏問此翁不止四宜休翁歸未

雙檜泉

在四明窗之西南其東則木香臺也二檜虬拳

古挺其下泉聲涓涓然磴爲圓池營摺廊五間左右二檜

爲憩息之所吳潛題雙檜泉三字於池上開慶續志

木香臺 臺高三尺植花如屏題曰自遠取韓子蒼無風

香自遠意遶臺爲廊屋二十間開慶續志

春風堂 在傳觴亭之西守程覃建延祐志

芙蓉堂 在春風堂之西守程覃建延祐志

雙瑞樓 在春風堂之南守程覃建因田夫以駢幹之栗

來獻而名之延祐志

清心堂 在芙蓉堂之西隆興元年守趙子瀟建延祐志

明秀樓 在清心堂之西程覃建延祐志

真瑞堂 韓璉建有木樨故名嘉靖志

范成大真瑞堂前丹桂詩血色凡花太俗生花工新意
染秋英袍紅太重輕紅淺畫不能摹句寫成官忙風
月鎮長閒開遍香紅酒向寒若要與花相領畧千巖
隨分有闌干自注石湖千巖觀前手植丹桂二畝

占春亭

在春風堂之南淳祐六年顏頤仲建

延祐志

吳潛占春亭卽事詩桃花殘片隔牆飛獨自危
樓徙倚時目送斷虹雲外沒東風吹淚落天涯

清瑩亭

在東橋之南前植以李清瑩出韓詩

開慶續志

觀瀾亭

在郡治內

輿地勝記

鄞縣治

在開明橋北

延祐志

宋建炎間兵燬紹興八年令

顧汝美創建李璜爲記

聞志

李璜記云明之爲州統五城鄞爲太守治所令日趨府
義事退而據案決遣自朝至日晡循循維謹不敢有所
操縱縣爲鄉十有三爲戶三萬九千六百有奇民富於
稻蟹之利地大物萃則訟牒日益衆祁寒暑雨少不能
如期期輒以病令坐是縣率無良聲爲令者幸無事及官
滿罷去以爲得計建炎兵燹之禍公宇旣焚已酉距戊

午十稔更數政睥睨不敢措手治寄於佛廟皂隸與浮
屠雜居雖民亦病之會太守周公綱下車之始詢咨衆
庶敝事一新寬大之政既行和平之氣亦通慨然銳意
有所興作箭陽顧侯爲令於茲蓋二年矣日與丞簿辛
勤敦勸欲以仰奉太守之意而二君皆儒者愛民喜事
與令處相得歡甚條教之行靡有留礙邑人既悅於政
思所以報稱守令之德咸願推其贏餘以助工役乃克
重建聽事大門公堂於舊治之基翼以兩序殿以寢室
吏舍狂獄簿書泉貨咸有處所丞簿二居輔於左右於
是高明雄壯始稱邦君子男之尊雖令之賢否不繫於
居處之高卑然使民自遠而至有所瞻睹崇其閭閻以
別隆殺之分則棟宇之制不爲無助焉初侯之爲是役
也道路頗憂之以爲艱難以求公私掃地赤立平昔租
調之資羸弱編戶或不能如式而輸爲吏者至遮疲於
簡對何暇月績歲緝以有易無雖僕寓居於是間其經
始營之亦竊疑焉未載閏月土木之工畢立爲屋百七
十有三楹役不及農夫財不出經費不動聲色而制度
顯設宛如舊貫僕然後知侯之果能有爲也昔卓茂爲
密令有所更張吏民笑之雖鄰邑亦以爲嗤誚卓茂治
事自若居數年道不拾遺嚴詡爲潁川既去嘆曰我以
桑儒名朝廷必選剛猛代潁川之民當有僭仆者大抵
世俗之論喜爲奇怪新好之說而亟疾苛密之人往往

以輕儇事見稱至於君子長者欲爲平易之政則悠悠之談必深疑焉或未及施而罷去或平居不甚可意去焉而斃於苛刻之令然後更相思慕之者多矣顧侯詳練謹密務爲循常之行不喜表襮以取名譽賓客干請未嘗有所許可至有偶坐終日不忍啟齒而退者其以身任怨必則法令如此其視毀譽之來泛然若亡所喜慍爲治既久獄訟衰止平日不決於心者亦不能有所軒輊竊意古所謂居官無赫赫名去而見思者蓋如是也然而乃能以其餘力爲後人無窮之利心計默識奠而後發民不告病事以就緒是不可不書以遺來者

勅書樓 在古縣治之前其下爲門宋紹興二十五年令

王煜建通判福州何涇記南昌周渤書縣額紹興五年令

吳泰初重建敷文學士汪大猷記其文竝失傳

聞志

畫簾堂 在廳事之東面南紹興三十一年令宋應建趙

省爲之記

延祐志

趙省畫簾堂記略右朝奉郎宋侯子剛治鄞之三年政成民和乃卽治廳之東爲堂三楹以視事以延客以休

其餘日鳩工命材棟宇輪奐官不知費民不告勞經始於辛巳仲夏竣事於是年季冬落成之日因取顧覲之宰山陰之政榜曰畫簾噫侯之爲是舉也非誇大而掠美誠得所謂名者實之賓歟蓋山陰在當時戶不過三萬其縣用無事晝日垂簾特折枝之易耳鄞自西漢距今號劇邑民訟繁十倍山陰宋侯方且慕仰之若是可謂廉於取名者矣於時國家有邊事州縣簡料兵壯備預儲峙以應上之求常苦不暇給而侯能多多益辨如王夷甫在元城時終日清談而縣務自理其材力過人遠甚若乃吏退身閑賓僚畢集彈絲綺以舒懷對紋楸而坐隱壺觴相命嘯歌嬉娛此在他人常劫劫而侯之樂獨有餘亦足以見游刃之所及矣宋侯名應子剛其字

經綸閣

在廳事之西偏

延祐志

王安石嘗爲縣令邑人思

其政卽其燕休之所作此閣

至正續志

清心堂

在縣宅堂之東北園中紹興二十五年令王煜

建

聞志

寬賦堂

在宅堂之左面東紹興二十六年令周升亭重

建

延祐志

琴堂

在寬賦堂之北令王煜建

延祐志

魚熙亭

在寬賦堂之前

延祐志

泰定二年阮申之修建袁

桷有記

聞志

讀書堂

紹定元年令薛武建

延祐志

仰高亭

令王煜建

延祐志

西亭

王荆公舊讀書處今名王荆公臺

延祐志

退軒

在縣治後令李壽朋建

延祐志

古柏

自建治以來有此崇禎間縣令王章題其亭曰餐

柏

聞志

高麗使館

樓楚公昇建後為史氏寶奎精舍

結埼亭集

船場

呂祖儉詩序晁景迂大觀中為四明船場後七十

餘年訪問遺跡尚有可考晁說之思四明所居詩軒窗直

到桃花渡是也

至正續志

呂祖儉簡王季和因呈沈叔晦詩鄞川舊有船司空小亭晚望江之東父老猶能理前話無錢無木人無功風流已往四十載水仙木犀徒自紅吾嘗夜看司空集元符上書入邪中歲月蹉跎今幾許俯仰一身隨轉蓬自爾伯道四明守詎有律呂為始終易元後譜此時有又得剛說來發蒙魯人獵較亦獵較復使妙句追飛鴻揚來海頭四閱月塵埃滿袖生璫璫平生執鞭所欣慕追尋故蹟得數弓超然之名猶可想海氣微茫日未曉越中豈是不好事別乘皆賢心已恍場官繼繼真我友欲來卜築祠此翁大書特書景迂號庶幾遺蹟常清通簿書期會目前耳此意當令齊洛嵩豐公室外草茆茆了齋却掃耳若輩當時二士相游從夜闌歎息非為躬年運而往將溟濛後輩風口口口薄材微官猶未工尸祝越俎自冲冲誰圖遺像置學宮時與儒先相磨礪却

歸金華守吾宗端
坐不出固其窮

支鹽場 景德元年置都鹽場政和三年更名其憩息之

所曰和軒

繫齋集

酒庫 郡城內外諸庫務坊場曰醕酒東庫曰香泉八庫

曰江東慈福庫曰下莊務曰醕酒西庫曰江東贍軍庫曰

結埼庫曰東門庫曰寶溪子庫曰林村庫曰小溪子庫曰

省務曰犒賞庫曰江東庫

開慶續志

廣惠院 寶祐五年郡守吳潛以省務舊址初院屋一百

五間以養城內外鰥寡孤獨瘖聾跛躄者額三百人請於

朝撥淘湖米千碩又增置田租歲撥錢四萬緡充費

開慶續志

廂院 寶祐四年郡守吳潛卽醕庫舊址建

開慶續志

作院 凡十有三作曰大爐作曰小爐作曰穿聯作曰磨
銓作曰磨擦結裏作曰頭魁作曰熟皮作曰頭魁衣子作
曰弓弩作曰箭作曰漆作曰木弩椿作曰木鎗作開慶續志

惠民藥局 寶慶三年所砌在郡圃射埭西地逼隘匪便

先是犒賞庫有樓曰海晏後改爲參議官舍樓棄不居寶

祐間判府吳潛卽樓爲局置子鋪一十四所開慶續志

甲仗庫 初置於設廳前二廡之閣後移於酒庫之北教

場之南東阻郡圃西抵子城分爲六庫榜之曰武藏開慶續志

小教場 舊射亭在九經堂後開慶改元春遷舊圃於府

堂後而取蒼雲堂之北爲小教場自大人堂接閱武廳爲

屋十三間以處士卒而前爲廊廡名類箭所教場之內東

爲閱武廳屏刻師卦西爲霸王臺武藏之門實居其南教

場東西相距五十五丈墻高一丈九尺

開慶續志

威果三十營 在城西南隅採蓮橋西

至正續志

案威果舊志皆誤作果感今改正

酒務 在城者一曰都酒務在縣者三小溪酒務在句章

鄉去縣四十里唐謂之光溪鎮下莊酒務在陽堂鄉去縣

三十里林村酒務在桃源鄉去縣三十里

寶慶志

稅場 小溪稅場與酒務同置石硯稅場在陽堂鄉去縣

三十里寶幢稅場在陽堂鄉去縣三十里

寶慶志

西湖十洲 在府治西南一里許

嘉靖志

湖中有汀洲島嶼

凡十曰柳汀曰雪汀曰芳草洲曰芙蓉洲曰菊花洲曰月

島曰松島曰花嶼曰竹嶼曰烟嶼四時之景不同而士女

游賞特盛於春夏飛蓋成陰畫船漾影無虛日也乾道圖經

舒寬和新開西湖十洲詩洗出塵華紫翠勻再將絕景

付重闌千山有影螺垂地一水無塵鏡照人香濃釣筒

盡日滄浪與時有幽人岸白綸

劉程花嶼詩淺深艷冶一枝枝帶露臨風不自持水上

紅雲真縹緲多才却憶退之詩王亘詩傳聞春入水

邊枝懊惱行人不暇持任是杜陵歸較晚也須排悶強

裁詩舒寬詩暖吹紅紫上青枝掠水風烟巧自持蜂

蝶鷓鴣各芳意錦囊消得探春詩陳瓘詩紅紫商量

欲滿枝探春觴豆好攜持便須載酒凌雲去底事黃堂

獨賦

劉程芳草洲詩春水池塘空冉冉長安古道倍依依爭

如綠向芳洲遍不怨王孫去未歸王亘詩十步中間

水四圍不容紅紫亂相依春風管取青青在莫問愁人

歸未歸舒寬詩小雨如酥露乍晞嶼花汀柳自相依

畫橋不礙尋春屐誰傷烟波拾翠歸陳瓘詩綠水映

波千古恨至今南浦兩依依我今又至江東去多少行

人官未歸

劉程柳汀詩江渡隋堤千萬縷年年折盡最長條誰知

烟雨只將離恨寄長條臨流繫得虹蜺住畱作憶憶兩

岸橋舒直詩困倚滄波綠動搖冷烟疎雨共蕭條誰

將輕薄嬌春態強拂人頭向市橋陳瓊詩密幹參差

弄月影輕波蕩漾蘸烟條暑天要此清涼地欲往何辭

度小

橋劉程竹與詩翠雲搖曳波心起清影扶疎月際來結實

終期丹鳳至虛心聊蹊小桃開王巨詩鳳集龍驤未

足才獨驚高節出雲來此君端的吾家舊爭得柴門相

向開舒直詩欲問葛陂安在哉端疑波底化龍來子

飯此與君知否小徑何妨卷竹開陳瓊詩霜枝迴出

紅塵外只有鷗鷺傍水來別岸若尋棲隱處軒窗須為

此君

劉程烟嶼詩閒伴晚雲籠淺瀨半如秋雨羃寒沙溶溶

曳曳拖輕素遮盡漁簑與釣槎王巨詩離朱諦視也

昏花一匹青縑蓋白沙咫尺漁舟看不得凡夫何處覓

仙槎舒直詩著漠寒蘆不見花暗藏鷗鷺啄晴沙喚

風吹起渾無定半落僧窗半落槎
緣底事故來波上翠層沙莫教散入滄溟去却恐能迷

上漢

劉琨芙蓉洲詩翠幌臨流結絳囊多情長伴菊花芳誰

有智蘂會將秋色賽春芳清宵見白休相距多是潘郎

朱顏自得西風意不管千秋昨夜霜陳瓘詩紅雲可

覓無蜂去渺渺寒波映晚芳未必孤根能耐雪且看秋

經已

劉琨菊花洲詩金蕊含香官雨開清無俗格絕塵埃休

差不及東籬下也有幽人載酒來王亘詩年年重九

爲人開不染春風一點埃湖上蕭騷如栗里虛尊還待

白衣來舒直詩懶對陶家酒窺開東籬寂寞久風埃

會須結取登高客折上龍山醉帽來陳瓘詩光景不

畱人已老恨無羽翼出塵埃世間那有飛昇藥且傍汀

洲採

菊來

劉琨月島詩衆樂亭前月滿洲雨餘風靜正中秋桂花

冷射千尋碧十頃湖光爛不收王亘詩夕陽盡處見

滄洲一片清光水國秋應是玉真梳洗罷菱花臺上不
曾收舒直詩何人騎鶴上瀛洲清影明波正九秋吹
罷玉笙端不見滿堂桂子有誰收陳瓘詩月明偏照
海邊洲綠水迴環漾素秋斗轉參橫羣動息桂花零落
遣誰收

劉琨雪汀詩六出花輕巧剪裁瑶林玉砌映高臺水漸
四面寒光合疑有飛仙月下來王亘詩玉落風刀細
細裁梁王宮裏舊池臺迢迢此地何人可除是冰膚駕
鶴來舒亘詩點柳粧梅不暇裁平波直擬涌瑤臺釣
磯葦岸知何許幾誤漁舟夜半來陳瓘詩誰把平原
水上開坐看飛絮撲瓊臺酒豪耳熱笙歌沸應怪幽人
此地來

劉琨松島詩恥隨楊柳嬌春色厭近芙蓉遞暗香直幹
凌霜終偃蹇願爲一柱壯明堂王亘詩誰陪老碧到
秋霜賴有黃花隔水香上淺波深難獨立可能移植向
公堂舒亘詩亭亭古幹對滄浪雨洗風飄老吹香晚
歲何人同寂寞水西我有讀書堂陳瓘詩影參岸柏
童童綠葉蔽汀蘭澹澹香斤斧不來人迹遠養成千尺
勢堂堂

全祖望西湖十洲志云鄞西湖之勝至宋元祐間而極
盛劉戶部程所作圖未知尚有存否南渡以後十洲皆
遺變置嘉定間所作圖已闕之近人修鄞志者間有所
指或合或否予生長湖上摺撫舊文參以故老之指示
約略考定大抵中央得四而東西兩岸各分其三舒亶
十洲閣記曰因湖上之積土廣為十洲而敞壽聖之閣
以名之是十洲閣在壽聖院中王巨題閣詩曰山川如
幻閣長秋一島飛來伴九洲是壽聖院為十洲首即花
嶼也前輩張瑤芝以為芙蓉洲謬已王巨題柳汀詩曰臨
流截得虹蜺住畱作僮僮兩岸橋西憶僮僮橋即今尚書
橋東憶僮僮橋即今館驛橋是逸老堂即柳汀也聞性道
乃以為月島謬已舒亶芳草洲詩曰小雨如酥露乍晞
嶼花汀柳自相依明范侍郎指為碧沚其說是也蓋碧
沚最居北而柳汀在其南花嶼又在南自史氏構別業
後始改名碧沚舒亶在松島詩曰歲晚何人同寂寞水西
我有讀書堂舒之嫺堂在嶼底而松島在東則真隱館
乃松島自史氏築館後始改名竹洲張瑤芝遂疑為竹
嶼者謬也是中央之四址也由松島絕湖而東為竹嶼
劉程詩曰清影扶疎月際來以其接月島也畫錦橋當
其南牢家橋當其北竹嶼之下為月島劉程詩曰衆樂
亭前月滿洲以其斜對柳汀也牢家橋當其南均著橋
當其北月島之下為苑洲史氏寶奎橋即在焉直至平

橋而止近人誤以為松島是東岸之三址也由松島而西為烟嶼劉琨詩曰溶溶曳曳拖輕素遮盡漁簑與釣槎蓋湖上漁人皆居巖底錦里橋當其南觀音寺橋當其北烟嶼之下為雪汀即報慈觀音寺也王亘詩曰梁王宮裏舊池臺蓋指錢康憲公朱邸而言觀音寺橋當其南感聖寺橋當其北雪汀之下為芙蓉洲直至衣瀾橋而止近人又有誤以橋北隔河一帶當之者是西岸之三址也

清瀾池

在明遠樓南

至正續志

錢恭惠王在鎮日嘗浚之以

為禦火之備宋太守李夷庚復浚之以其泥益鎮明嶺之

鼻薄壯內案山之勢

乾道圖經

元至治間帥府同知德哥副使

沙的重築短垣闢護畱水門以便民汲東扁曰清瀾西扁

曰碧漪

至正續志

紅蓮閣

衆樂亭之北有紅蓮閣大中祥符間章郇公得

象侔是州實剏之閣之北即郡酒務也

舒亶西湖記

衆樂亭

在子城西南屹立湖中東西有橋以通來往嘉

祐間守錢公輔建

延祐志

逸老堂

在西湖上衆樂亭相對爲唐秘書監賀知章作

也祠堂在其西宋紹興間太守莫將建乾道五年太守直

秘閣張津重修

乾道圖經

大使丞相吳潛復撤而新之訪求知

章像於山陰繪而祠焉規模視昔增壯丞相自爲之記秘

閣張卽之書直閣趙汝楨題蓋取衆樂亭涵虛館東西兩

橋并修之

開慶續志

賀祠雙柏

在月湖賀祠前里人宋恢有記

聞志

偃月隄

錢使君公輔所築在紅蓮閣下當時置酒務於

湖北作隄其上以轆轤引而注之以今地望考之碧沚之

後是也

結琦亭外集

十洲閣 元祐八年劉純父理守是邦浚西湖增卑培薄

環植松柳復因其積土廣爲十洲而敝壽聖之閣以其名

名之蓋四時之景物具焉

舒亶西湖記

舒亶十洲閣秋宴詩綠玉手持尋五嶽正應未識海邊洲倚闌花木參差見對岸笙歌次第遊烟霽多疑九峯曉波平全勝六鼇浮仙風坐隔紅塵路消得丹青詫北州

澄輝閣 在月湖濱

嘉靖志

周鏐詩雄建俯空濶下瞻霄漢浮眼將雲漠漠心寄水悠悠日暖鳥飛鏡月涼魚弄鉤行期分此景家在甬西頭

滄洲閣 乾道初趙伯圭復放生池於湖上因建閣湖心

寺內朱翌爲之記又建廣生堂於閣後

嘉靖志

酒虛館 淳熙初皇子魏王愷守郡時建在月湖中元并

逸老堂改爲南北水馬二站明改爲驛嘉靖志

明成矩四明驛館詩使星長照岸西東水色天光面面通澄碧亭前迎畫鷁酒虛館裏駐鳴騶秘書入道祠還在丞相封王宅已空依舊春風楊柳綠行人來往自匆匆

時亭 在平橋右寶祐五年制使吳潛築梅應發爲記開慶

續志

水則亭 在時亭後吳潛建開慶續志

青蓮閣 在白衣觀音院郡守周邦彥建寶慶志

茅亭 在甬東書院南今廢延祐志

熙春亭 在茅亭之東紹興癸酉守韓璉建今廢延祐志

來芳亭 在真瑞堂之東守程覃建今廢延祐志

及瓜亭

在子城西南百六十步今廢

延祐志

喜雨樓

在及瓜亭之上

延祐志

肅賓亭

在望京門裏舊名待賓亭今廢

延祐志

會別亭

在城西王安石有詩

延祐志

瓊富亭

在東渡門外寶祐五年建亭名瓊富蓋取孫興

公天台賦

開慶續志

超然亭

在桃花渡造船場監官晁說之建

嘉靖志

晁說之超然亭戲作終日一杯終日醉看潮初上看潮
回自疑前世陶貞白乘典閒遊鄆縣來江上獨坐詩
少年曾識京華樂老得江山懷抱開風月不談辜此夕
恨隨潮去與潮回江亭晚望秋色日駸駸江亭敞有
陰殘霞沉浦口新月出波心

甬江樓

府治東南靈橋門裏楊芾建

嘉靖志

呂祖儉記畧舫務東負郡城乾道之元監務事楊芾仲章建樓於其上距今二十年而樓名未立且蕪穰弗治通守丹陽蘇公實臨舫事暇日登城而望覽其山川之勝而一新之因名以甬江庶幾表賢存舊後來者猶有焉攷

三江亭 郡城東門之北天禧中郡守李夷庚嘗寓焉紹

興間郡守潘良貴重建

嘉靖志

潘良貴記畧四明在浙東最為瀕海宜有瑰奇偉特之觀快登臨者之心目予到官二百餘日所向狹陋一日送客於東門循城而行大江橫其前羣山拱其外島嶼出沒雲烟有無浪舫風帆來自天際又州之井屋左顧右盼盡在目中予欣然曰噫嘻此明州之絕境也於是作亭其上以為郡人遊觀之所江之東舊有亭名三江更兵火壞不復存此亭之成盡得三江之勝因取其名而榜之亦從父老之願也紹興十五年正月二十八日

記

潘良貴詩假守衰頽病日侵湖山雖好倦追尋登城忽覩三江水快我生平萬里心聊築小亭怡父老敢承佳句粲珠金春濤正待諸君賞更拂詩牌看醉吟 蔣璿

和詩安仁不放二毛侵爽氣凌虛玉萬尋談笑薄施三
昧手登臨誰會五湖心倦遊方戢冲天翼高賦難磨
地金怪得朝雲飛畫棟夜來曾聽老龍吟王珣和詩
播郎未覺鬢霜侵佳致尋閒得得尋古岸渺茫分遠渡
飛薨虛敞快人心融樽想見頻頻玉季諾由來雅勝金
野老固慙東閣客何妨同作醉翁吟汪思溫詩危
亭聳觀與雲侵勝槩何勞杖屨尋同合江山真有意去
來鷗鷺本無心歡聲洋溢均千里好句清新抵萬金四
海倚需經濟手豈

容長對白頭吟

范成大立春日陪魏丞相登三江亭詩佳節登臨始此
回聊從晦鷺望蓬萊水分江北渡頭去風自海東潮外
來太白天寒猶帶雪十洲地暖已浮醅
一尊往酌發船鼓我亦歸帆和次開

太白樓 在縣東五里守胡渠建延祐志

宸奎閣 縣東五十里阿育王山廣利寺內大覺禪師懷

璉建蘇軾爲之記其碑尙存曹志

極目亭 在鄧山東見海中諸山阿育王山志

直清亭 在縣東四十里明堂嶼白雲山下天水郡公趙

與權建於父墓側蓋居水竹之間以是名之理宗御書直

清二字以賜與權自爲之銘

嘉靖志

乳泉亭 在直清亭旁趙與權鑿池得泉作亭其上理宗

御書乳泉二字以賜與權自爲之銘

嘉靖志

烟波館 在東錢湖寶慶三年守胡渠建旁有天鏡亭

成化

志

鎖翠亭 在天童山入寺之處有魏王妃題字

問志

宋謝翱亭中避雨詩客有遊山衣著人如薛荔行行萬翠庭忽作風雨憇仰面無所睹梁間有題字問此何人書婉婉有弱氣云昔魏王妃學書似李衛乘雲到此山灑墨在空翠塵風吹上花候忽景物異疑此夢與仙不

類人問世

案浙江通志作翠鎖亭又云亭在江岸皆誤

臨雲閣

在天童山

延祐志

舒亶詩高僧終日笑憑闌亦以無心懶出
山幾度海風吹雨散坐看絲翠落人間

宿鷺亭

在天童寺外

延祐志

舒亶詩雲過千溪月上時雪蘆霜葦冷相依正綠野性
如僧癖肯爲游魚下釣磯
陸游詩疎鐘迎客到溪亭
碧瓦朱闌相照明想得松陰
排萬衲監輿放處恰詩成

春樂軒

在天童寺內

聞志

舒亶詩隔水叢花紅淺深花邊相對語幽
禽管絃不到山間耳誰會憑闌此日心

義田莊

在望京門內

嘉靖志

史忠定王鎮會稽日捐公帑

之金市田數百畝名曰義田凡仕族有親喪不能舉與孤
女不能嫁者以其租入差給之既閒居里閒沈端憲公煥

請曰吾鄉義風素著相賙相恤不待甚富者能之而求者日衆後難繼也舉會稽近比行於此其可乎王聽其言乃與沈及少師汪公暨其子尙書大猷合辭以倡好義者於是或捐己產或輸財以廣費積田漸多買地作屋十五楹於郡之望京門裏扁曰義田莊俾鄉之賢有力者掌焉仕族親喪之不能舉者給三十緡孤女之不能婚者給五十緡其親屬各隣里以聞於郡郡覈實俾主者行之非二者勿與先後緩急問從權宜而郡守與主者皆不得私焉鄉人繪王及少師汪公端憲沈公之像於莊所祠焉

寶慶志

樓氏義田莊 紹興間淮東安撫樓璣置有廬江况達記

至正續志

錢康憲公宅 在西湖上捨為觀音禪寺史忠獻請得之

以為別墅成化志以為賜忠定誤也結埼亭集

嬾堂 在西湖舒亶所居舒亶戊辰游山題壁記

四休堂 在西湖十洲之西周鏐所建延祐志

錦照堂 西湖舊有十洲三島之勝最南一洲與樓氏故

廬密邇樓楚公昇守鄉郡築錦照堂懷綬軒刻祐陵御製

其上中燬於兵隆興初郡復新之更名竹洲久而浸壞宣

獻執政日請以私錢自葺之求奎書錦照東宮書懷綬以

為賜集 畫錦坊在西湖之南首其東有錦照橋則南湖

之交也其西有錦照堂則竹洲也堂與橋相隔遠成化志

即以竹洲之橋當之不攷延祐志故也結埼亭集

豐清敏公宅 縣西南五里董母墓北公自尙書致仕歸

由小溪鎮之蕙江徙居於此

嘉靖志

陳處士之翰宅 在月湖上

嘉靖志

二靈山房 東錢湖中有山突然曰二靈熙寧間左正言

陳禾築以讀書其中

乾道圖經

王參政次翁宅 在縣治西南二里西社壇橋參知政事

王次翁致仕治第西湖爲退休之所

嘉靖志

案開慶續志謂之王參政府

萬金樓 在湖上宋時馮氏建以施藥

延祐志

周鏐詩幾年江上夢黃鶴意悠悠百尺獨臨水萬金難買秋杵聲喧藥市闌影侵漁舟應有壺中客分身向此遊

蔣金紫園

在府治東南俗呼爲蔣家花園

嘉靖志

小湖之

西爲竹湖有廟焉卽金紫光祿大夫蔣公浚明之園也其巷曰蔣金紫巷其水曰蔣家帶其橋曰蔣家橋其東有坊曰連桂亦蔣氏物也南山東沙二志以橋爲茹家橋廟爲茹園廟誤

鮎琦亭集

案名勝志以爲蔣曉建

魏文節山房

在縣南五十里小溪鎮

嘉靖志

文節本家焦

山以受經於趙公芑民來鄞定居溪上其園亭之勝一十有八曰夢菴曰勤齋曰妙用寮曰玉照池曰山房曰喜老堂曰禪窟曰宴默居曰隱仙巖曰月林曰碧溪菴曰泉香堂曰駐屐曰積翠屏曰霞外觀曰澄漪曰醉宜徑曰聽松

樓當時酬唱極多今鄧峯集中尚有存者

鮎琦亭集

汪莊靖公宅

在縣西三十里西山之潘嶼

嘉靖志

信天緣堂

朱翌僑居湖上時建

聞志

朱翌記云朱子北遊於瀛莫之境徘徊於塘泺之上觀
 二禽有感焉一類鵲色正蒼而喙長凝立水際不動魚
 過其下則取之終日無魚終不易地其名曰信天緣一
 類驚奔走水上不問草腐泥砂啖啖然必盡索而已無
 一息少休其名曰謾畫信天緣若無能者乃與謾畫均
 度一日無饑色視謾畫加壯大後三十餘年屏跡荒縣
 私自念少之時始官州縣月俸錢萬二千米碩五斗麥
 如米之數十口之家取足已而官朝廷祿十倍之然日
 食肉猶一鬻衣常百結退視其室其空如故南來已老
 內外食者四十人婚姻賓客伏臘不論論其常一歲錢
 千二百緡米百八十斛拱手端坐炊烟屢絕家人告曰
 室罄矣翁不恤何也今幸營之尚可支否則俱為餓鬼
 懼無以應呼使前曰天生匹夫一飯已定於未形吾固
 為爾長多圖未必得坐視未必失也世間豈有一門同
 日困於無飯者天之所賦自應不闕子去轉告而朋姑
 洗而釜待之行有餉子者矣有老嫗北婦人也在旁大

笑曰翁豈信天緣乎曰是
遂以名堂書其說於壁

史忠定宅 在月湖東嘉靖志

真隱堂 在月湖之中洲史越王浩建爲讀書處明改爲

陸康僖公祠嘉靖志

四明洞天 史忠定以竹洲之真隱觀爲洞天摹四明九

題於其中因立謝遺塵廟其御賜四明洞天四字藏宸奎

閣又立惠濟王祠祀之全祖望湖語註

史浩次韻陸務觀遊四明洞天詩風烟偶爾屬吾邦箇箇松筠聳碧幢奎畫百函龍作衛雲岑四面石爲窗水邊自喜陪振鷺籬外從渠有吠龍多謝故人迂五馬清談剔盡幾銀缸

迂齋 樓昉講舍在城南勾餘土音

南麓 高疎寮居近城因城疊石曰南麓麓後高數級登

汲於甕泄之以管淙淙環珮聲入方池池四五尺畫三三

於扁自麓之後登城爲嘯臺

四朝聞見錄

竹墅 高衍孫宅旁植水竹奇石號曰竹墅

清容居士集

馮氏得趣樓 御前副都統制馮湛居明之西湖榜其樓

曰得趣軒曰愛日有泉石花竹之勝

絜齋集

由均奢橋北直

抵柴巷皆馮制使宅

鮎琦亭集

袁氏園 袁正獻之父名文字質甫榜所居小齋曰臥雪

自號爲逸叟有園數畝曰涉成趣

絜齋集

袁正獻公宅 與學宮爲隣有直清亭是亦樓又作願豐

樓樓之左右前後有山有水有竹有花其地二畝有奇名

之曰是亦園又稍廣之曰秀野園

見絜齋集

攻媿齋 在縣南晝錦坊樓宣獻公所居嘉靖志嘗曰人患

不知其過知之而不能改是無勇也自號爲攻媿主人銘

其座右曰逆境進德順境誤人袁燮撰行狀

仰嵩樓 樓宣獻藏書既富欲別貯之執政之次年東樓

始成叢古今羣書其上而累奇石於前又取楚公登封令

時所藏嵩嶽圖石刻刻屏其下仍以仰嵩舊名名之集

登封樓 樓楚公爲令登封得嵩山石以歸其孫宣獻公

築樓扁曰登封而貯石於其上清容居士集

史丞相彌遠宅 在月湖之西按宋遺月湖丈尺圖其府

前左則袞繡橋今之水仙橋也右則感聖橋今之虹橋也

其後直抵影泉坊謂之史府新巷嘉靖郡志言今爲廣盈

倉者誤考倉基乃宣和之能仁觀音寺建炎寺燬嘉定間嘗以其地賜史相景定間歸地復寺則此地史相未嘗建

府也閩志

史府花園 在西郊外寶慶志圖

史文靖彌忠宅 在縣東南五十里東錢湖上嘉靖志

史少師彌大宅 在月湖東俗稱前府理宗賜名鴻禧嘉靖志

志

史忠宣彌堅宅 在月湖北宋時賜第故稱後府嘉靖志

史中奉彌鞏宅 在縣東三里獨善坊彌鞏自號獨善先

生鄉人名其坊嘉靖志

碧沚亭 在月湖中丞相史彌遠建今呼為碧沚菴嘉靖志

樓綸詩相家少有四明山更菁桃源渺莽間四面樓臺
相映發一川烟水自彎環中洲紫石勢嵯峨城上迤
岑聳翠螺舊說夕陽無限好此中更得夕陽多吳潛
聞同官會碧沚用出郊韻碧沚堂前瞰水官只應喚作
玉臺看頗間秩秩玳筵展莫遣匆匆銀燭殘酒付別陽
寧怕窄詩由廣舌不憂乾老夫孤坐三更月欲往從之
良復難萬頃蟾光浩不收花汀竹嶼思悠悠黃公所
隱知何地賀監將歸乞此洲良夜最佳惟午夜今秋偏
好是中秋舉杯酒露月同吸仰面青天可問不

袁尙書甫宅 在縣治西北鑿橋之西甫以狀元及第故

有狀元坊

嘉靖志

宣少師繪宅 由均奢橋直抵靈應坊皆宣少師之賜第

鮚埼亭集

趙學士錦里 在月湖西錦里橋北學士名彥逾以資政

殿大學士知慶元府故名錦里

嘉靖志

趙少師善湘宅 在縣治一里握蘭坊左俗稱趙王府據

寶慶圖志所載蓋宗室趙善湘所居也

嘉靖志

按宋史善湘封天水郡公未加王爵趙王府之名

似不可信

夢谿 鄭魯公若冲微時夢入東湖深處見金碧陸離中

有常充達巷四字若御書然莫能解也及安晚貴偶與穆

陵語及之穆陵即書此四字懸之魯公墓莊因呼其谿曰

夢谿

音詩話

鄭若冲紀夢詩包括乾坤一環堵拍手干門輝藻繡編
茅何事傍雲根川觀巖居天固予憶昔臥病歲壬午夢
行澗石愁衡宇常充達巷表其門大椿金書爰仰觀吉
符應已分行藏二紀唐捐惜無補我生六年哀怙恃三
殤相繼泣同乳隻影危誕巢在幕孽子孤臣氣如縷千
金不忍坐垂堂十貽未能酬鞠撫六張五角具孤虛萬

死一生逃險阻矛頭浙米劍頭炊耕常得晴刈常雨菲
末薪根有荆棘鼠牙雀舌皆強禦意行足下起關山夕
計朝謀成齟齬先時敗事後失機轉喉嚨諱默招侮貧
來富往見交情言信行忠貽臯苦一本難令親者親四
海何由兄弟普數奇常愧李將軍五窮未嗟韓吏部人
生美惡半乘除我常一味無甘苦五十知非計已遲見
機而作今猶愈結廬茲境了前緣端居漫作溪山主列
壑巔峯無聳峭登穎飛柯不噴拒一室凝塵號全拙茶
鑄酒壺簡編聚草亭臨流倚夢溪觀罷魚游呼鶴舞地
饒松竹秀而映林生蘭蕙香頰吐泉清洗耳何妨枕晴
軒炙背還堪俯採藥尋梅度嶺去空翠霏烟迎步武乘
堅策肥彼何人蔡杖枝節自撐拄人家燈火照籬落山
頭月色窺松戶隨雲歸逐度溪風自喜此身輕一羽意
安不厭飯藜蔬睡美那能候鐘鼓少壯顏從鏡裏非利
名心向樽前腐長因橫逆反忠仁詎向艱深探城府事
變起滅真浮漚身世行藏俱逆旅玉堂茅舍一蘧廬鷄
起鵬搏各飛舉鬢觸戰爭兩蝸角雞蟲得失了無補興
廢編編汗馬牛賢愚泯泯埋塵土長嘯勿疑天地郭游
思還從竹素圖要知歲晏日斜時此心只與虛空侶一
觴一咏姑自娛斷不傷今更思古力命悠悠詎足論漫
述平生

記軒廡

安晚園 丞相鄭清之所居前有大池跨池左右有橋曰

積善曰餘慶聞志在縣東南俗名大池頭其曾孫奕夫復建

衍桂堂句餘土音詩話

吳潛滿江紅詞安晚堂看梅安晚堂前梅開盡都無畱
萼依舊是鐵心老子故情堪托長恐壽陽脂粉汙肯教
摩詰丹青摸縱沉香為榭綵為園難安着高節聳清
名遶繁李俗粗桃惡但山礬行輩可來參錯六出不妨
添羽翼百花豈願當頭角儘
暗香疎影了平生何其樂

張學士卽之宅 在縣西南林邨市其居近資教寺嘉靖志

世綸堂 在縣東北三十里梅墟陳居仁子卓所居父子

掌綸誥卓以賜金剏堂名曰世綸嘉靖郡志言御賜名蓋

誤也聞志

王尙書宅 在縣治南一里許尙書王應麟所居其父撫

為崇政殿說書理宗御書飛白汲古傳忠四字扁其堂至

今稱王家府

嘉靖志

薛氏瑞室 縣東南張村知衡州薛朋龜之居紹熙淳熙

間兩遭回祿而此室巋然獨存樓鑰題曰瑞室

聞志

陳侍郎墳宅 在縣東四十里寶幢寺有省元坊

嘉靖志 墳

自號習菴所居有觀聚堂尊明亭

甬上耆舊傳

袁甫觀聚堂詩習菴築室扁曰觀聚堂前何有萬象可
睹山如郭郭烟雲吞吐草木沃若春光媚嫵修篁漫山
不知陰暑何况秋空呼日入戶朔風吹雪松聲如怒上
天下地四方曰宇物生其間何可勝數我於是觀樂哉
斯土隨意作室不華不窳買山旋添稍葺園圍得趣幽
閒不入城府良朋偶來傾倒肺腑不及時事惟談鄙魯
朋去何為周易一部消息盈虛窮今亘古觀乃自觀寂
無一語尊明亭詩非德不尊非道不明爰取斯義以
名吾亭亭在山巔氣象巖然山從何來蜿蜒蜿蜒我坐
亭上極目一望羣峯畢朝尊無與抗我撫亭下萬狀難

寫一一分明入我酸竿有時攜節
偕二三朋莫知我心獨撫孤松

焦徵君講舍 在大涵山焦公路講學之所公路為程門

弟子顧不見於伊洛淵源錄為鄞邑寓老顧不見於志乘

惟史直翁集一見之句餘土音詩話

山澤居 史文卿聚四方奇石築堂曰山澤居自號石窗

山樵清容居士集

袁梅詩石窗山樵晉公子獨鶴蕭蕭烟竹裏月湖一頃
碧琉璃高築虛堂水中社堂深六月生涼秋萬柄風搖

紅倚旋遶南更有山澤居四面晴峯插天倚

黃文潔寓室 在寶幢慈谿黃震避地之處聞志

謝翺寶幢山尋黃提刑震避地處詩甬東寺裏逢陳若
雙袖龍鍾行帶索問知黃公舊避逃寶幢山下生叢薄
日惟一食禱先靈不賴拾得不死藥仰天呼號得正終
一往不復知城郭公初著書女豆旁公死母亡家蕩落

予爲戶曹取公女欲敘因由來與語
得與子行林莽間月落山空識其處

案延祐志謂東發歸寶幢山中誓不入城府所居

曰湖圖書器物掠取亦弗問又嘗避地桓溪自號

杖錫山主人見剡源集

袁忠臣故居 縣西城外咸淳進士袁鏞之居

聞志

鄞學宮五柏 見沈明臣詩康熙初爲司教者所伐

聞志

東隱堂古柏 在壽昌寺西偏東隱二字張卽之書周容

爲之賦

聞志

元

宣慰司都元帥府治 大德六年因宋郡治置至大二年

倭火燬之四年宣慰司廉希哲建廳事曰帥正挾廳有堂

西曰思無邪東曰公生明後堂曰敬簡西北陬則架閣庫

至正續志

廉訪分司治 舊在州西門內卽宋通判西廳後因鄆縣

治爲之在東北隅開明橋北中爲廳事曰澄清

至正續志

慶元路總管治 延祐元年同知張伯延重建在帥府東

其廳事曰明德推官廳在其西經歷司在其東至正二年

總管王元恭於府廳後蓋軒屋一所扁曰至善經歷司後

亦鞠屋一所曰三友堂

至正續志

司獄司 在府橋之南卽宋司理院改設

至正續志

錄事司 在西南隅迎鳳坊係宋府院基改置衙宇

至正續志

鄆縣治 在城西北隅宋通判西廳故址舊治改爲廉訪

分司皇慶二年重建於此延祐志泰定二年尹阮申之修建

袁桷爲記聞志

袁桷記云鄞爲明號尉縣地廣民衆切近大府故其治宜宏觀嚴壯以出政令舊治去府東幾五百步至大二年廢訪分司署燬分司則更置縣治縣乃治分司署因陋就簡增壺莫克有爲者五閱考池陽阮君之來慨然曰爲之不在我耶達魯花赤完哲圖公縣丞張公主簿楊公咸可其議廼捐資以倡聞者興起胥卒受功惟謹弗勞弗費百姓與成凡爲屋八十楹重門雄關正嚕冥噦羣曹列廡下燕處之房宿候之廬植新葺舊一齊完美肇謀於泰定乙丑之正月越六月事已因相率謁予記昔君之先公文安侯常分刺予邦予時侍養先人側識君重髦時恂恂端慎知其必遠且大也及予以文字待罪翰林請告歸田里而君適至蠹消役均義廩登實頌聲滿阡陌君之修鄉校也予旣獲以敦本原張教化推廣其績今茲復幸齒名其間豈偶然哉君名申之字周翰初同知台之黃巖再調溫之瑞安咸有異績今尹茲邑所樹立又若是雖屢書以風天下其奚辭因爲之記

縣尉治 在縣東三里泰定元年尉周一夔建至正續志

萬戶府 在西南隅永濟坊明遠橋西係宋府倉并節推

廳基至元十三年置沿海招討使後爲沿海左副都元帥

府尋改沿海上萬戶府皇慶二年移軍馬鎮婺延祐元年

爲蘄縣翼上萬戶府至正續志

都轉運鹽司分司 在西北隅河利橋西係宋庖院及節

推廳基初置浙東鹽司例革改爲分司至正續志

鹽倉 在西北隅永豐門內至元十三年以後權貯稅糧

延祐七年復爲鹽倉至正續志

市舶提舉司 在東北隅姚家巷至正續志

市舶庫 在東南隅車橋東至正續志

永豐庫

在西北明遠樓東係宋常平倉基

至正續志

平準庫

在西北隅清瀾橋東元係宋簽判廳至元十三

年改立平準行用交鈔庫官降鈔本倒換昏鈔

至正續志

惠民藥局

在清瀾橋北係宋宣詔亭基地大德三年撥

置藥局先是至元二十五年立官醫提領所設官三員無

公字就藥局治事

至正續志

陰陽教授司

至大二年置未有公字至順二年以西南

隅倉橋東舊蒙古學設教授司

至正續志

雜造局

在西北隅河利橋東係宋平糶倉基改置

至正續志

織染局

在西北隅儒學西係宋貢院基至元二十七年

起局泰定二年縣尹阮申之改建

至正續志

廣盈倉

在西南隅採蓮橋西係宋成果三十營基

至正續志

在城都稅務

在東渡門內因宋舊址立至正元年重建

至正續志

慶紹海運千戶所

在東北隅柴家橋西係宋南廳通判

衙基改設沿海翼鎮撫所皇慶二年移鎮婺州改立運糧

千戶所

至正續志

在城水馬站

係宋涵虛館舊址在西南隅月湖至元十

三年改置分南北二館中通橋路

至正續志

養濟院

在西北隅鹽運分司西

至正續志

急遞舖

在西北隅府橋北

至正續志

四明驛

卽宋通判廳故址後改爲總管府

延祐志

來青亭 在城西五里舊曰接官亭爲屋三間臨流送迎

舟次泰定四年縣尹阮申之改今名

至正續志

來遠亭 在城東靈橋門北穴城洞門一所內通市船庫

臨江爲亭泰定二年副提舉周燦剏蓋以備監收舶商搬

卸之所

至正續志

餘軒 在元帥府側幕僚程士安建戴表元爲之記

聞志

太白莊 在縣東五里舊名太白樓宋守胡桀所建元程

端禮與弟端學改爲讀書莊後圯至正間象山學教諭張

原楷僑居於此復名太白樓尋廢遺址尙存

嘉靖志

孔夫講堂 去郡城東五里程端禮與弟端學建以祀夫

子羣弟子講學於中今廢俗呼爲孔夫港塘非是

嘉靖志

瑞光樓 在城南二十里櫟社之陽元末高明避亂主於

沈氏居是樓作琵琶記成清夜按拍歌舞几上燭炬二枝

光忽交合遂名樓為瑞光云

嘉靖志

平楚亭 在瑞光樓前今水中洲是也洲當水三合處北

通桃源西接它山東南流入郡城昔人建亭其上扁曰平

楚觀瀾今廢

嘉靖志

羅木堂 袁文清桷所築即所謂靜寄道院者也

勾餘土音詩話

芳思亭 在縣南袁桷所築

清容居士集

袁梅芳思亭詩并序大父尚書公治園南郊有堂亭凡十五方池修廊屈折便宜雨甚亦無礙遊事逮今荒廢逾四十年故基陳迹不復可攷近築一亭雜植草木廣不踰畝鬣其萬一名之曰芳思玩其英華將以緬釋志興翰墨有紹是則先公之志作詩示瑾瑾并求親友同賦侃侃尚書公投綬理泉石五堂適寒暑十亭送所夕

瓊英元圃秀美蔭嘉樹碧修廊不受雨來往隨履爲紅
雲漲方塘丹霞耀翠席嘉魚黃金掌瞥見渺莫測辛勤
三十年深逝晦朝迹遺訓示子孫樹藝比其德浮雲變
須臾百幻倏消蝕空餘鄭公莊耕稼給衣食緬彼行樂
時衆植各有職以茲一畝園彷彿見疇昔幽葩與羣卉
生意日不息朝陽激靈根三咽妙絢繹曠懷事幽賞皆
矣躬
六籍

薛氏義門 在縣治南一里冷靜街提舉薛明道所居有

宋建義門祠堂一所

嘉靖志

菊村 在縣西二里翰林檢閱袁士元所居種菊數百本

因號菊村老人

嘉靖志

倪家花園 在府治北倪萬戶建

嘉靖志

案倪可輔官浙東宣慰司都元帥兼海道漕運萬

戶見忠祐廟碑

桂莊 在縣西南響巖山高士聞元春積書萬卷構莊以

隱

聞志

方氏四府 方國珍建正衙今寧波衛是也內衙今改安
遠驛右置花園古石嘉木高臺曲池至今尙存後改建市
舶提舉司國珍又建萬戶府在譙樓之西北今爲鎮撫司
別建第二府居其仲弟卽鑒橋東萬指揮衙洪武初信國
公嘗駐節焉建第三府於史丞相菜園居其從弟今爲李
指揮宅俗稱花廳衙是也其第四府居季弟在五臺寺東
南後沒入官至今猶稱四府前

嘉靖志

明

寧波衛指揮使司

在郡治西宋爲沿海制置司

卽慶元府治

元改都元帥府明初平方國珍改爲明州衛指揮使司命
指揮駙馬王恭鎮守十四年改爲寧波衛設指揮使指揮
同知指揮簽事經歷知事及鎮撫千戶副千戶百戶軍職
共一百七員

嘉靖志

案其地今廢爲民居卽鼓樓北大街左右也

察院行臺 在城西北隅

嘉靖志

案今爲校士館

布政分司 在城東北隅

嘉靖志

案今爲城守營都司署

按察分司 在布政司東

嘉靖志

市舶提舉司 在寧波衛後卽宋郡治後園嘉靖中改爲

巡視海道司

嘉靖志

案今爲巡道公署

三司館

在察院西

嘉靖志

浙東道分司

在月湖賀監祠左舊爲四明驛嘉靖二十

七年改建

嘉靖志

提舉司

在海道司西

嘉靖志

安遠驛

在提舉司前五十步

嘉靖志

嘉賓館

在東南隅江心里故爲境清寺嘉靖六年改爲

館以處倭夷貢使

嘉靖志

廣盈倉

在月湖西

嘉靖志

預備倉

在月湖西嘉靖六年建

嘉靖志

稅課司 在迎鳳橋之西

嘉靖志

四宜樓 在驛廳後萬歷間郡守鄒希賢建樓之外跨湖

為水雲亭崇禎時邑令王章題曰印月

閩志

駐節亭 一在南門外一在東門外一在西門外有迎恩

樓

嘉靖志

慶雲樓 在西南城上崇禎十四年海道副使王應華建

斯樓懸鐘其上康熙三年燬於雷火後數年復建

曹志

望湖亭 在東錢湖中

浙江通志

明張時徹詩烟霞探不極獨上望湖亭孤嶼懸明鏡羣峰展畫屏舳舻舒月白松檜匝雲青盡日中山醉人言

星是謫

慈竹軒 張敬輝養母之所

遜志齋集

方孝孺慈竹軒記昔年拜漢中之命歲暮至鄆循城行
十許里道旅舍已閉門遙望崇墉高棟有室翼然舟人
指曰此張君敬輝之所居也張君素善養母好客喜事
遂使人先為敬輝出迎客張燈具殺羞酒數行諸弟侍
側皆整飭不凡敬輝因為予言少喪父賴母氏以克至
今正堂北種竹數十百箇滋植茂甚母悅之因名侍膳
之所曰慈竹軒

柳莊 太常丞袁珙之居有聖旨亭

聞志

安分堂 鄭教授千之所居

甬上耆舊傳

紫霄精舍 城北倪氏齋名也

甬上耆舊傳

逍遙堂 縣東五十里小白村大理寺卿蔡錫所居

嘉靖志

對鵑閣 在鏡川侍講學士楊守陳所作

懷麓堂集

李東陽賦并序對鵑閣者侍講學士鏡川楊先生繼父
志而作也楊之隄故有閑家徙而閣亦廢先生之父梅
讀公從祖父避地而歸漸復故宅嘗遊川上誦李嘉祐
南風不用蒲葵扇紗帽閒眠對水鷗之句蓋其志欲復

茲聞至先生而成焉東陽從先生官翰林觀所自爲
記又從其弟府丞維貞編修維立及其子員外郎志仁
開茲閣始末爲詳乃作賦曰鏡川先生之作對鷗閣也
闢屏其陽設榻於陰乾潘坤籬山帶水襟遠則雷峰天
井石樓木阜錫嶺金裝翠巖雪寶天童育王驃騎車廐
四明中空五馬羣走勾餘武陵之墟聖公隱仙之居左
盤右紆莫詳其餘近則金嶼珠潭芝山桃浦北渡南塘
菴湖蓮渚六港兩川十洲三嶼花迷學士之橋竹暗向
書之墅奇蹤麗迹不可僕數於是啟扉而入則飛瀾灑
地鳴琅戛空鱗瓦動日翬簷挾風上下轆轤東西溟濛
藏虛納秀後與川通開牖而眺則屏圍畫張澄練秋碧
長林落日倒影千尺平山一綠與望俱極若乃岸芷洲
蘭灘蓼汀蘋杞柳樛樛慘而落陰藻荷的歷而敷芬鳬鷺
爲雙灘鷗成羣爲點點以如墮鮒洋洋而若馴時有白
鷗西來載沉載游旣飄揚以雪舞忽浩蕩而雲浮先生
方對客高詠覽物有揆獨宿畱以延佇若嬰情於彼鷗
客有在席者起而問曰何爲其若是也先生曰噫此吾
先君子之志也試爲子言之我居楊曉自宋及元傑構
連甍有閣嶄然國版更肇家徙外還鞠彼蓬藿蕩爲荒
園百礎星落下沈清淵先君子嘗倦焉於此矣披芸栖
之故地創梅讀之新軒歌越里之雅調誦唐人之遺篇
將拂蒲葵而小憩岸紗帽而閒眠時度隙景志齋重泉

彼鷗何心以歲以年予乃晨興暮思左相右度木葉靖
礫石疊華勇十稔交閱七楹竝落幸往志之蠶償恨九
原之莫作今我與子游神邱壑放意觴酌孰懷厭憂孰
饗其樂睹翠鷗之在目增百感於茲閣客乃俯而嘆曰
嗚呼起廢殊地悲歡異時數雖天定業乃人爲有始必
復靡終弗持先生實勤童子何知然嘗聞之矣談史絕
筆遷書繼成祐不作相旦終台衡故周貴述事孔稱揚
名先公官不及再命業不過一經存乃裴之舊物慨堂
構之餘情今先生身歷霄漢步登蓬瀛文播海宇望隆
公卿固將修五鳳於天闕庇萬厦於蒼生彼美兮一閭
惡足以盡先生之經營也哉若夫志遂功成名完身退
行藏有時頽仰奚累知倦鳥之終還念閒鷗之可對眷
斯時之未晚非此閣其焉賴蓋亦有詒盛業於諸孫播
清風於百代者矣先生曰我其圖之子盍爲我賦之於
時簪纓竝輝子弟咸侍左京兆右太史趨郎官列貢士
絃誦間作觥籌交駛客旣醉散鷗亦翔止先生獨居廓
思方將台萬物而一觀也

鏡川書院 縣治西北郡學宮之右侍郎楊茂元爲父守

陳屢疏乞休預構書院爲退休之所

嘉靖志

忠諫里

在東渡門內之左禮科給事中楊言所居

甬上舊

傳

堇山莊

在縣東四十里工部侍郎李堂予告讀書處

聞志

李堂堇山莊雜咏詩嬾步山柴扉心情與世違偶逢樵
子語漸覺古人稀窗啟流雲亂梁空乳燕歸遊仙室有
夢骸骨本來非紅葉亂紛紛秋光到小村莫憐蒲柳
脆幸與菊松存猿狄饕餮山果牛羊懸幕門石牀涼不寐
流水激籬根步覺行雲緩人驚白髮新水聲宜入夜
樹老不禁春欲與山為主還畱月送賓終南非捷徑何
處不容身薛荔隱山家層巒入徑斜著書人未老習
靜思無涯雨意收黃霧雲容暖白沙課耕詢稅額欲免
吏如麻

心遠堂

在縣西南二里許尙書張時徹在城之居

嘉靖志

寶綸堂

在月湖中卽湖心寺廢址張時徹改建以爲藏

誥勅之所

嘉靖志

案東沙尙書居槎湖在縣西南二十里心遠寶綸
其城居也又有別墅在東臯曰茂嶼莊草堂在西
臯曰武陵莊

沈明臣茂嶼卽事詩才到東山好身心每晏如蒲浮春
院酒高枕夜牀書松響山連閣蛙喧水近居五更殘夢
醒月落曙窗虛不識尙書貴山中幽事多漁來賣鮮
鯉客有饋生鵝雨外新樓閣雲間舊薜蘿野人成獨往
醉起和農歌葉太叔武陵莊詩青精作飯紫萁羹飽
後微吟水上行不道空山曾有寺隔溪風送午鐘聲

五柳莊在東錢湖上和國余有丁所構卽月波寺廢址
也以神宗御書名山洞府四字爲坊園曰日涉扉曰常關
鐫古松曰盤桓左垣有穴曰猶存徑右曰不遠途堂曰歸
來左曰遺世居右曰情話室後之中曰覺是齋左曰寄傲
軒右曰消憂所最後曰衡宇最後有圃曰植杖場有溝曰

窈窕壑東南隅有亭曰晨熹旁屋曰翳景軒水濱一版屋
曰引觴處西南隅俯菡萏之池有草閣曰臨流竹中茅菴
曰流憩池邊爲釣磯曰始流東北隅有樓曰舒嘯樓外之
圃曰西疇樓左疊石爲洞曰知還洞上有臺曰矯首有梁
曰孤往西北隅有邱曰崎嶇背邱有二室曰易安閭曰怡
顏窩皆取名於歸去來辭而總名曰五柳莊自爲之記

余

敏公集

耕讀堂 在縣東三十里滙終橋棟塘

甬上耆舊傳

李衡義自題耕讀堂詩吾家世授有遺經五畝東田東
帶耕盤谷新秋香稻熟墨莊深夜短檠明門迴綠水樓
先澤坐仰高山得自名祖訓須
知栽古木人生勤業豈無成

霽景堂 在縣城北知府葉應驄所居

聞志

遂初堂

在郡治西北嘉靖時屠侍郎大山別業

曹志

霞爽閣

在遂初堂後屠大山子本峻建族子隆有霞爽

閣賦

曹志

天一閣

兵部侍郎范欽宅之東偏左瞰月湖爲浙東藏

書家第一有張時徹豐坊黃宗羲諸記

曹志

國朝乾隆三十九年

賜御製古今圖書集成一部四十四年

賜西域得勝圖五十二年

賜金川得勝圖皆尊藏閣上

縣冊

黃宗羲天一閣藏書記嘗嘆讀書難藏書尤難藏之久而不散則難之難矣自科舉之學興士人抱兔園寒陋十數冊故書崛起白屋之下取富貴而有餘讀書者一生之精力埋沒蠹紙滄桑之中相尋於寒苦而不足每

見其人有志讀書類有物以敗之故曰讀書難藏書非
好之與有力者不能歐陽公曰凡物好之而有力則無
不致也二者正復難兼楊東里少時貧不能致書欲得
史略釋文十書直音市直不過百錢無以應母夫人以
所畜牝雞易之東里特識此事於書後此誠好之矣於
尋常之書猶無力也況其他乎有力者之好多在狗馬
聲色之間稍清之而爲奇器再清之而爲法書名畫至
矣苟非盡捐狗馬聲色字畫奇器之好則其好書也必
不專好之不專亦無由知書之有易得有不其得也強
解事者以數百金捆載坊書便稱百城之富不可謂之
好也故曰藏書尤難歸震川曰書之所聚當有金寶
之氣卿雲輪困覆護其上余獨以爲不然古今書籍之
厄不可勝計以余所見者言之越中藏書之家鈕石溪
世學樓其著也余見其小說家目錄亦數百種從故書
棹海皆從彼借刻崇正庚午間其書初散余僅從故書
鋪得十餘部而已辛巳余在南中聞焦氏書欲賣急往
訊之不受奇零之值二千金方得爲售主時馮鄴仙官
南納言余以爲書歸鄴仙猶歸我也鄴仙大喜及余歸
而不果後來聞亦散去歛溪鄭氏叢桂堂亦藏書家也
辛丑在武林拮拾程雪樓馬石田集數部其餘都不可
問甲辰館語溪構李高氏以書求售二千餘大略皆鈔
本也余勸吳孟舉收之余在語溪三年閱之殆徧此書

固他鄉寒故也江右陳氏業頗好藏書自言所積不甚
寂寞乙巳寄弔其家其子陳澎書來言兵火之後故書
之存者惟熊勿軒一集而已語溪呂及父吳與潘氏壻
也言昭度欲改宋史曾弗人徐巨源草創而未就網羅
宋室野史甚富絃固十餘篋在家約余往觀先以所改
歷志見示未幾而及父死矣此願未遂不知至今如故
否也郝氏曠園之書初皮家中不甚發視余每借觀惟
德公知其首尾按目錄而取之俄頃卽得亂後遷至化
鹿寺往往散見市肆丙午余與書賈入山翻閱三晝夜
余載十捆而出經學近百種稗官百十冊而宋元文集
已無存者途中又爲書賈竊去衛湜禮記集說東都事
略山中所有唯舉業講章各省志書尙二大樹也丙辰
至海鹽胡孝轅考索精詳意其家必有藏書訪其子令
修慨然發其故篋亦有宋元集十餘種然皆余所見者
孝轅筆記稱引姚牧菴集令修亦言有其書一時索之
不能卽得餘書則多殘本矣吾邑孫月峯亦稱藏書而
無異本後歸碩膚丙戌之亂爲火所盡余從隣家得其
殘缺寶錄三分之一耳由此觀之是書者造物之所甚
忌也不特不覆護之又從而蓄害之如此故曰藏之久
而不散則難之難矣天一閣書范司馬所藏也從嘉靖
至今蓋已百五十年矣司馬歿後封閉甚嚴癸丑余至
甬上范友仲破戒引余登樓悉發其藏余取其流通未

廣者抄爲書目凡經史地志類書坊間易得者及時人之集三式之書皆不在此列余之無力殆與東里少時伯仲猶冀以暇日握管懷鉛揀卷小書短者抄之友仲日諾莊七年未蹈前言然余之書目遂爲好事流傳崑山徐健菴使其門生謄寫去者不知凡幾友仲之子左垣乃并前所未列者重定一目介吾友王文三求爲藏書記近來書籍之厄不必兵火無屈指大江以南以藏書者亦以無力而散故所在空虛屈指大江以南以藏書名者不過三四家千頃齋之書余宗兄比部明立所聚自庚午訖辛巳余往南中未嘗不借其書觀也余聞虞稷好事過於其父無由一見之曹秋岳倦圃之書累約觀之而未果據秋岳所數亦無甚異也余門人自崑山來者多言健菴所積之富亦未寓目三家之外卽數范氏韓宣子聘魯觀書於太史氏見易象與魯春秋曰周禮盡在魯矣范氏能世其家禮不在范氏乎幸勿等之雲烟過眼世世子孫如護目睛則震川覆護之言又未必然也

大慈山房

在東湖大慈寺余寅讀書處

甬上耆舊傳

鳧園

在縣治北和義門內儀部屠隆建

間志

屠隆鳧園記畧子宅西有隙地闢以爲園鑿小池窄而長跨池構一樓顏曰飛仙曰空明右破屋三間稍加丹堊顏曰棲真館後於阿育王舍利殿前得娑羅樹一木植之齋前改曰娑羅館園成日適村翁見餉野鳧二遂命曰鳧園樓息其中俯仰天地足以自樂也

桃花隄 全天敘自鶴禁歸徙宅湖上買得竹洲一曲以爲別墅舊時史忠定真隱觀也構平淡齋於洲東構崧窗於洲南又自水仙宮前築石隄直抵長春門藝千樹桃於其上游人呼之爲桃花隄

鮪埼亭外集

三瑞堂 在城南十里新莊周氏所居三瑞者雙頭蓮兩歧麥紫芝也成化中兵部郎中洪常爲序中書舍人金湜篆其簡端萬歷中右諭德周應賓重裝於南京翰林公署

并題

三瑞堂圖真跡

樽園 在縣治西北東林菴側編修楊德政建

閩志

楊德政詩解組歸來幾歲華小樓新築占高沙山當睥睨飛空翠水接滄浪散綺霞老去不嫌饒白髮秋來隨意問黃花遠公舊有東林社一笑溪頭理釣車

來誰園 在縣治西北孝聞坊初爲楊氏別業御史李遵

重建園成友人題詩有楊花落盡李花開李花開盡又誰

來之句遵欣然卽以來誰名園

閩志

脩園 在城南太學楊承鯤讀書處

閩志

悠園 卽樽園舊址副使水佳允重建中有空水樓供石

亭

閩志

雲在樓 在竹湖御史陳朝輔建以爲藏書之所又有四

香居挂松軒極林泉之勝

續耆舊傳

甬洲書莊 在甬江之東隱士張瑞購藏羣籍以貽後人

司業吳惠撰記

聞志

陸庭桂井 在月湖西陸給諫懋龍宅老桂枝蟠高結圓

圍如井舊有雙井今存其一

聞志

邱隘三樹

聞志

聞性道記略在鄞東二十里有村曰邱隘邱氏聚族居焉昔有名終者以孝行聞亭前有古樹三中為柏兩松左右侍高不逾尋而根幹皆成抱渥雪霜刺星月鳥吻未乾蟲聲載動孤苦之心誠有巖壑與俱冰蘖共餐者今主人楚英先生高蹈遐心以一布衣為滄桑遺老仲子燕孫罹海氛之變能於搶攘中子身殮葬其母是又不獨珠輝三樹且於孝子為繼起焉余將為昔孝子精傳并不敢沒今孝子而先記其家之三樹有如此

冢墓

柳下之蘆樵採必禁董相之陵過者下馬皇覽水

經注多言先賢冢墓所在俾後來無古墓犁爲田之歎意至厚也徐偃王之冢辨之而仍存之疑不敢質也管公明之墓其不在鄞無可疑也刪之梁山伯墓唐宋以來相傳久矣故仍存之

周

徐偃王墓

在縣東南隱學山

曹志

元徐本原詩周穆日盤遊九鼎幾欲移造父御八駿萬里揚璫池邦家歎無主神器將安歸諸侯悉朝徐瑞應維其時忽聞黃竹歌拒戰非所宜避位向吳越直至東海涯德義感人心臣庶爭相隨山以隱學名上有棲真祠翁仲翳草萊再拜空噓唏遠鶴竟不返謝墓冢纍纍子孫繁且衍譜牒能相貽零落千載下側然起遐思

案徐偃王墓前志皆未載聞氏始增入而府志因之按昌黎作偃王廟碑云偃王走彭城武原山百

姓從之萬有餘家死號爲徐山則墓當在彭城又
引一說云王之走不之彭城而之越城之隅棄玉
几研會稽之水衢州有偃王廟蓋因於此而墓之
在鄞要無實據也至元嘉禾志又謂徐偃王墓在
秀水縣西更屬傳會

漢

董母墓 在縣南長春門外二里許自句章返葬於鄞

聞志

董孝子黯墓 卽附母旁有廬墓時滴淚潭至旱不涸董

氏家乘云介鄞慈之黃楊魯者誤

聞志

日南太守陳國墓 郡國志云鄞縣有陳國家一名雁棲

墓昔國爲日南太守死有雙雁隨柩而歸會稽棲於墓三

年然後去 太平寰宇記

晉

鮑郎墓 在縣東三十里青山下卽忠嘉神聖惠濟廣靈

王墓也 延祐志

梁山伯祝英臺墓 在縣西十里接待寺後二人少嘗同

學比及三年而山伯初不知英臺之爲女也以同學而同

葬 十道四蕃志

唐

太原王夫人墓 在城中握蘭橋旁元時居民穿土得誌

石乃唐開成四年太原王夫人墓也 王尚書遺集

侯官丞湯華墓 在縣東一都鄉貢進士林珽撰墓誌文

載金石門

新
增

刺史黃晟墓

在隱學山與徐偃王墓相近寶慶志載其

母高陽郡太君齊氏妻潁川縣君鍾氏墓俱在山中一云

乾化二年改葬象山縣常樂寺後寺蓋晟所建也

閩志

宋

鄞令金翊墓 在桃源鄉布金寺側

浙江
通志

案曹志翊本姓劉字相之建隆時由校書郎出爲

鄞令多惠政卒於官乾興元年例新民籍其子姓

復姓劉氏占籍於慈以五經甲第顯

鄞女墓

在縣南郊古崇法院之西北王荊公宰鄞時殤

女也將行別以詩云行年三十已衰翁滿眼憂傷祇自攻

今夜扁舟來訣汝死生從此各西東

寶慶志

鄞江先生王致墓 在縣西南鳳舉山

間志

朝散郎周師厚墓 在縣西南銀山金谷里

間志

知處州袁穀墓

在縣西廣雲溪豐稷撰墓誌汝南袁氏譜

禮部侍郎諡清敏豐稷墓 在縣西南環村

嘉靖志

葬通遠

鄉銀山宣德郎陳瓘撰墓誌

豐清敏遺事

左正言諡文介陳禾墓 在縣東南二靈山子學士曦附

墓誌

黃琳詩雨東山色翠嶙峋文介佳城近水濱細雨落花啼謝豹淡烟荒草臥麒麟磨犯顏只欲除奸黨碎首無慚

列蓋臣淺陋亦叨風紀職敢將忠鯁繼前人

處士陳之翰墓 在隱學山陳瓘為墓誌

寶慶志

吏部郎王廷秀墓 在縣東二里甬東後塘俗稱王家墳

頭聞志

贈右朝議大夫薛唐墓 在長春門外山川壇左浙江通志

知衡州薛朋龜墓 在縣西南十五里嘉靖志

冀國夫人葉氏墓 在縣東南東錢湖長樂里山樓昇墓

誌冀國公史簡先六十二年卒以火葬子詔刻像於穴之

東以祔故世惟稱葉氏夫人墓聞志

魏王妃墓 在縣南郊與鄞女墓相近睇髮集

明州通判聞寔墓 在縣西南桃源鄉木蓮巖寔益都人

宣和辛丑進士以廣德州教授判明州西道梗居鄞卒葬

於此聞志

寶文閣學士仇念墓 在縣東南錢湖之上水

浙江通志

鄭世忠墓 在縣西南陳畝金谷里世忠建炎間扈駕至

明州死於王事因葬此

聞志

徽猷閣直學士蔣猷墓 在隱學山汪藻誌其墓

攻媿集

贈太師史詔墓 在縣東南綠野畝

嘉靖志

朝請大夫黃子游墓 在鄞縣豐樂鄉金鵝山子游字叔

言宛邱人歐陽澈以上書忤宰相棄市子游適同邸收而

葬之澈子飛英年十四傾囊輟所乘馬贈其歸歷官江東

運判江西提點刑獄知池州晚卜居奉化縣乾道三年十

二月葬

周必大省齋文稿

大宗正寺丞袁子誠墓 在四十七都楊山人畝

西袁氏家乘

直秘閣徐子寅墓

在隱學山

攻媿集

朝請大夫王正功墓

在桃源鄉排舉樓鑰撰墓誌

攻媿集

處士安昭祖墓

在通遠鄉建舉南山樓鑰撰墓誌昭祖

字光遠節度畱後守忠之九世孫

攻媿集

承務郎戴樟墓

在桃源鄉萬隩樓鑰撰墓誌

攻媿集

少師諡憲敏高閑墓

在縣東南青山

閩志

敷文閣待制張邵墓

在縣西陸舉山弟提舉鄉耐

成化志

萬竹先生高元之墓

在桃源鄉蔣山樓鑰撰墓誌

攻媿集

越王諡忠定史浩墓

在翔鳳鄉吉祥安樂山樓鑰撰神

道碑

攻媿集

在縣東南金家嶼

閩志

學士諡文懿陳居仁墓

在豐樂鄉橫溪西舉周必大撰

神道碑

平園續稿

贈衛國公袁昇墓

在縣西南林村紫巖

聞志

樞密諡文敏王明發墓

在縣東翔鳳鄉塘頭山

嘉靖志

待制楊王休墓

在通遠鄉金谷里四明龍井山

攻媿集

少師諡宣獻樓鑰墓

在縣東南天井山

至正續志

參政張孝伯墓

在縣西南翠巖山

聞志

制使王野墓

在縣東南陽堂鄉華家畧從子制使希聲

祔

嘉靖志

朝請大夫趙善待墓

在桃源鄉黃畧山

繫齋集

龍圖閣待制趙粹中墓

在陽堂鄉同畧樓鑰撰神道碑

攻媿集

家墓

家墓

家墓

刑部尙書袁章墓

在四十九都一畝董舉

西袁氏家乘

提舉李宗質墓

在天童山南舉宗質字文叔丞相迪之

五世孫官提舉浙東常平以主管冲祐觀致仕樓鑰撰墓

誌

攻媿集

承奉郎邊友誠墓

在桃源鄉石橋舉袁燮爲墓碣友誠

字仁叟安常務實不自表襮喜讀論語若有所契合或勸

之修鍊答曰論語一書無非養生法何以他爲平生少怒

曰怒未必人畏先自亂心無損於人祇以自損其德度非

淺丈夫所及也

繫齋集

節推邊恢墓

在桃源鄉石橋舉恢字汝實友誠之子登

紹熙元年進士甲科廷對言不以堯舜之道告其君者不

忠也不知其君可以興堯舜之道者不智也堯舜之治必
可興於今日堯舜之道皆已具於聖心雖有是心不能自
知則亦不能自信辭意婉切識者韙之汝實嘗受教於金
谿陸公對策之語蓋得於講切者授鎮江軍節度推官初
字汝度袁燮嘗謂之曰子之名廣大之謂也大而不實焉
用之盍配以實乎遂易今名

繫齋集

奉直大夫陸洸墓 在豐樂鄉西畧洸字子光以蔭補歷

知荆門軍提舉江西常平提點江西刑獄慶元元年卒年

七十二大父尙書右丞贈太師佃父中散大夫贈少師寅

少師避建炎亂益東徙居鄞之橫溪從弟游銘其墓

渭南文集

提刑袁芳墓 在四十七都楊山人畧

胡儼種德菴記

長興尉袁岡墓 在四十九都一畝董舉知武康縣趙希

洽撰墓誌 四明袁氏譜圖

袁七居士墓 在岡墓之側建安令袁瑁誌墓 袁氏譜圖

知梅州張祖順墓 在清道鄉邵家橋樓鑰撰墓誌祖順

字和卿父邦彥政和二年由上舍擢進士第官左朝散郎

祖順從鄉先生沈銖游曉暢世務居官所至可紀 攻媿集

朝請大夫史浚墓 在陽堂鄉包公山樓鑰撰墓誌樞密

才之子也 攻媿集

臨海尉趙師潯墓 在通遠鄉白石里石管保樓鑰撰墓

誌 攻媿集

湖北兵馬都監顧義先墓 在翔鳳鄉青雷峰義先字忠

卿嘉定十五年葬袁變爲文志其墓

集 繫齋

鄉進士舒行墓 在豐樂鄉櫟斜之原衍初名沂字仲與

後更今名親炙鄉先生沈楊二公又從呂子約質疑請益

智識日明而踐履不倦袁變尤稱之曰此子未易量也嘉

定八年葬袁變撰誌銘

集 繫齋

黃巖縣尉楊璘墓 在桃源鄉西山璘字子美開禧初以

軍興開入仕之門授迪功郎調台州黃巖尉嘉定六年卒

袁甫爲志其墓

集 繫齋

滁州司理李十鑑墓 在陽堂鄉太白原十鑑字季明以

父宗質蔭補官調處州錄事參軍折獄精明根於慈恕陞

滁州司理參軍嘉定十四年卒

集 繫齋

武節大夫姜浩墓 在豐樂鄉東山樓鑰撰墓誌攻媿集

得閒居士周模墓 在通遠鄉銀山樓鑰撰墓誌模字伯

範知南雄州鶚之孫也攻媿集

直華文閣諡端憲沈煥墓 在縣東南翔鳳鄉象坎山周

必大為墓誌至正續志

案曹志云在鎮海崇邱十里沈家山下

通判平江府姚穎墓 在陽堂鄉延壽山袁燮作行狀樓

鑰撰墓誌攻媿集

學士諡正獻袁燮墓 在縣東南穆公嶺至正續志楊簡撰墓

志汝南袁氏譜

丞相衛王史彌遠墓 在縣東南大慈山曹志

贈太師史彌忠墓

在縣東鄧山與陳國家相近

嘉靖志

太傅諡忠獻趙希言墓

在縣東明堂舉白雲山

嘉靖志

迂齋先生樓昉墓

在縣東闕水山

成化志

狀元傅行簡墓

在縣東栗木山

聞志

尚書諡正肅袁甫墓

在縣東綠野舉

聞志

真德秀撰墓誌

汝南袁氏譜

奉化郡王諡清敏趙與權墓

在縣東同谷山

聞志

丞相魏王諡忠定鄭清之墓

在縣東南六十里東山

聞志

直閣范楷墓

在縣東南銀山

聞志

尚書余天任墓

在縣東南青山

聞志

直閣王撝墓

尚書王應麟墓

俱在縣東同谷山

嘉靖志

郭先生受墓 在縣東錢湖之原

嘉靖志

案豐清敏墓誌受官奉議郎清敏之壻也豐漸稱外兄潁昌郭維以儒學修謹侍清敏公左右維卽受之子蓋潁昌人家於四明者舊志未詳其爵里今攷補之

直秘閣張卽之墓 在縣西南唐皋山

成化志

安撫陳寧孫墓 在縣東南高論嶺

閩志

案曹志作山崙嶺蓋高崙之譌論崙音相近也明有高崙處士李德學見甬上耆舊詩集

進士袁鏞墓 在縣西董皋山

閩志

提領朱元吉墓 在縣東赤塘山

閩志

臨安令孫璿墓 在縣西南環村吳魯柳貫爲碣銘聞志

案孫璿盡節於宋聞志列於元人誤

元

靜清處士史蒙卿墓 在縣東陽堂鄉穆魯袁桷撰墓誌

清容居士集

處州路同知袁洪墓 在桃源鄉慈溪魯清容居士集

學士諡文清袁桷墓 在翔鳳鄉上水慶遠魯蘇天爵撰

誌銘滋溪集

教授袁哀墓 在正獻公塋旁十步袁桷撰墓表清容居士集

朝議大夫盧元墓 在縣東小白笏箕山土人呼爲盧侍

郎墳嘉靖志

靜學居士王昌世墓 在縣東同谷山耐父應麟墓側黃

潛撰墓銘子厚孫寧孫耐

榮陽外史集

教授程端禮墓

在縣東陽堂鄉陶皋

問志

司訓蔣宗簡墓

在陶皋

問志

教授袁澤民墓

在四十七都楊山人皋

西袁氏家乘

翰林檢閱袁士元墓

在楊皋

成化志

耐父澤民墓左戴良

撰墓誌張璘書丹危素篆額碑存種德巷後

西袁氏家乘

教諭孫元蒙墓

在豐樂鄉黃山

榮陽外史集

明

刑部侍郎俞士吉墓

在縣西武陵山賜祭葬

成化志

兵部尙書諡忠襄金忠墓

在縣東象坎山楊士奇撰誌

銘聞志

太常丞袁珙墓 在四十七都楊山人舉姚廣孝奉勅撰

墓志芮善書丹吳均篆額碑存西袁氏家乘

尚寶少卿袁忠徹墓 在四十七都二畝前舉山陳敬宗

撰墓誌又李賢撰墓表吳謙書丹魏驥篆額碑存西袁氏家乘

僉都御史張楷墓 在縣西蔡家山楷從慈谿徙居郡城

因葬此其孫御史昺附志

刑部尚書諡康僖陸瑜墓 在縣西桃源鄉陳家山聞志

吉安知府陳本深墓 在縣東橫涇石池廟右曹志

布政錢奂墓 在縣東風下谿聞志

兵部郎中金亮墓 在上儒山吳寬撰墓碑龍翁家藏集

副使陳濂墓

在縣東麻鼻山之原

聞志

吏部右侍郎諡文懿楊守陳墓

在光同鄉仲夏里之陽

嘉靖志

工部尙書諡康簡楊守隨墓

吏部尙書楊守陞墓

俱在仲夏里芝山之陽

嘉靖志

封太子太保吏部尙書屠瑜墓

在桃花渡甬河北吏部

侍郎楊守陞撰墓誌

屠氏家譜

靖江縣丞袁孟思墓

在前皋山錢瓚撰墓誌余本書丹

西袁氏

家乘

安慶府教授屠珙墓

在馬郎橋北工部侍郎李堂撰墓

誌

屠氏家譜

吏部尙書謚襄惠屠浦墓 在西鄉乳泉山大學士楊廷

和撰墓誌少師李東陽撰神道碑屠氏家譜

石菴先生屠湖墓 在牛星湖少保費宏撰墓誌尙書僑

之父也屠氏家譜

副都御史朱埴墓 在縣西南烏金硤旁嘉靖志

櫟軒先生李端墓 在城東二里許祔葬四世古柏鬱然

墓旁丙舍題曰森森亭甬上耆舊詩集

刑部侍郎楊茂元墓 在仲夏里吳家斗之陽曹志

工部侍郎李堂墓 在縣西清道鄉嘉靖志

學士豐熙墓 在縣東五十里北山嘉靖志

吏部尙書謚莊簡聞淵墓 在縣南櫟社曹志

封侍郎張時敏墓

在縣西二十里宋家境

嘉靖志

封侍郎張汴墓

在縣南二十里下頭莊

嘉靖志

兵部尚書諡文定張邦奇墓

在縣東南四十五里金溪

山

嘉靖志

僉都御史汪玉墓

在縣西應魯山

嘉靖志

副都御史王應鵬墓

在縣東南鄞塘鄉方橋之原

嘉靖志

通政余本墓

在縣南五里石灰埠頭

嘉靖志

知府王珪墓

在縣西十里大溪橋

曹志

太子太保左都御史諡簡肅屠僑墓

在江北桃花渡東

少保李本撰墓誌總督尚書胡宗憲撰神道碑

屠氏家譜

贈光祿卿黃伯常墓

在縣東鳳下溪盤山

曹志

太常吳惠墓 在縣北青林原

嘉靖志

兵部侍郎黃宗明墓 在縣西資福寺右斷劍峰下

聞志

副都御史陸鈞墓 在縣西潘畧山

嘉靖志

副都御史柴經墓 在縣西大畧嶺之陽

嘉靖志

副都御史戴繁墓 在縣東鹿山

嘉靖志

兵部侍郎屠大山墓 在江北右副都御史王世貞撰墓

銘大學士余有丁撰墓表

屠氏家譜

兵部尙書張時微墓 在縣西桃源鄉張家岸

聞志

提學陳束墓 在縣西桃源鄉姚黃廂

聞志

案曹志作縣西北楊家橋

副都御史周相墓 在縣西三十里深溪

曹志

工部侍郎全元立墓 在縣東同恩

曹志

主事何瞻墓 在縣西桃源鄉

曹志

禮部尙書汪鏜墓 在縣西四十九都楊嘉橋

曹志

王錫爵

撰神道碑

王文肅公集

大學士諡文敏余有丁墓 在縣東錢湖隱學山後遷南

郊之馮家灣

開志

兵部侍郎范欽墓 在縣南五十里茅山

曹志

大學士諡文恭沈一貫墓 在縣西三十里上陳

曹志

刑部尙書諡端簡趙參魯墓 在縣南二十五里千丈涇

曹志

太常少卿余寅墓 在縣南二十里遶湖橋

曹志

禮部王事屠隆墓 在北郭楊德周撰墓誌屠氏家譜

禮部尚書諡文穆周應賓墓 在縣西南十五里厲家岸

聞志

工部尚書諡莊簡王佐墓 在縣西三十里眺江橋聞志

副都御史丁繼嗣墓 在縣西三里蔣家滙曹志

少詹事全天敘墓 在縣西四十里曹志

大理卿徐時進墓 在縣西三十里孫家灣聞志

兵部侍郎董光宏墓 在縣西大禹王廟右聞志

兵部侍郎李樸墓 在丁灣浙江通志

禮部尚書李康先墓 在縣西石塘聞志

大理卿陸世科墓 在縣西七里壽安橋聞志

都督萬邦孚墓 在縣西三里管家岸舊浙江通志

知州黃嘉謨墓 在縣東南陳野舉舊浙江通志

副都御史高斗樞墓 在縣西十里浙江通志

御史諡恭潔陳良謨墓 在縣南看經寺之南浙江通志

行人謝于宣墓 在縣西南夜影巖浙江通志

編修葛世振墓 在縣西南光溪新圃浙江通志

兵科給事中董志寧墓 在北門外馬公橋采訪冊

知縣周志畏墓 在縣西十五里石乳橋采訪冊

兵部主事屠獻宸墓 在江北一里陶家河南采訪冊

思南知府周元懋墓 在縣西十里汪漕東采訪冊

處士范大捷墓 在東山明堂舉墓在山頂極高前有天

池久旱不涸采訪冊

國朝

禮部侍郎史大成墓 在縣東十一都浙江通志

通政戎上德基 在縣南五十里小溪鄞江橋曹志

御史胡文學墓 在縣西陸家壩山浙江通志

布政范廷元墓 在縣西五十里十八柱聞志

孝子范洪震墓 在縣東南周宿渡曹志

知縣范燁墓 在縣西望春橋北洪家莊采訪冊

知縣陳貞墓 在縣舊志原缺

編修陳錫嘏墓 在縣南槎亭橋後采訪冊

大理陳紫芝墓 在縣南二十五里千丈涇浙江通志

兵部尚書屠粹忠墓

在大雷山

采訪冊

吏部侍郎仇兆鰲墓

在縣東九曲河

賜祭葬

采訪冊

大理陳汝咸墓

在城西管家岸

采訪冊

副都御史黃斐墓

在縣西鄉湖白眺頭橋

賜祭葬

采訪冊

冊

府丞胡德邁墓

在縣東雙峯山側

采訪冊

延平府知府范光陽墓

在縣西南看經寺側

采訪冊

禮部侍郎史在甲墓

在龍山

采訪冊

知縣范廷諤墓

在縣西大溪橋子從律耐於左側

采訪冊

贈刑部郎中袁茂啟墓

在縣西五十都竹牌頭

采訪冊

庶吉士蔣拭之墓

在新庄全祖望作穿中柱文

采訪冊

錫琦亭集

江蘇巡撫邵基墓 在西山 賜祭葬 結琦亭集

庶吉士全祖望墓 在南門外 采訪冊

贈刑部郎中袁鰲墓 在西山楊山人舉翰林邵齊燕撰

墓誌 王芝堂集

永北知府袁德達墓 在西山前舉侍郎阮葵生撰墓誌

采訪冊

臨江知府李昌昱墓 在縣東赤塘舉 采訪冊

義冢 附

東區義冢共八十四處碑在南東普陀寺前 縣冊

南區義冢共八十三處碑在南接官亭 縣冊

西區義冢共七十三處碑在西接官亭 縣冊

北區義冢共五十六處碑在北郭廟前縣志

案舊志所載俱明萬歷三十三年刊立詳開都邑

四至田數以禁侵佔今多堙沒難覈矣

普同義塔 在和義門外江心寺右

國朝順治八年觀察使王爾祿捐俸建閩志

西郊義塔 在海會寺後

國朝康熙二十五年邑令汪源澤捐俸建閩志

義山 一在西山潘岳共五十七畝雍正八年佑聖觀

四十七畝巡道孫一在東山平窰七畝雍正八年一在

東山允彝九畝乾隆二十五年一在西山黃島市山八畝

乾隆四十二年知府徐崑捐置縣志

義地

在北郊迴龍菴後

十畝 雍正八年吳乾陽等捐置爲停厝新棺之所後又增置

一畝五分零

外有義田一百五十餘畝亦士民公捐歲取租入

以給收埋諸費

縣冊

鄧縣志卷二十四終